

ՀՈՂԱԳՈՐԾՈՒԹԻՒՆԸ

ՀԻՆ ԵԲՐԱՅԵՑԻՈՑ ՄԷԶ



ԵՐԱԽԱՅՐԻՔ
ՏԱՊՈՆՈՐԴ

ԳՐԵՑ

ԱՐՑԱԽԱԶԴԴ ԱՐԳԵՎԻՍԿՈՊՈՍ

Առաջնորդ Հայոց Հալէպի

1937

ՏՊ. ԱՆԻ. Ա. ԵԶՄԵԶԲԱՆ

ՀԱԼԵՊ

333.5 (=99.4)
0-63

423

ՀՈՂԱԳՈՐԾՈՒԹԻՒՆԸ

ՀԻՆ ԵԲՐԱՅԵՑԻՈՑ ՄԷջ

ԽՈԹՎԱԾՈՂ և 1981 թ.

ԵՐԱԽԱՅԻՔ

ՏԱՌԱՆՈՐԴ

ԳՐԵՑ

ԱՐՏԱԽԱԶԴ ԱՐՔԵՊԻՍԿՈՊՈՍ

Առաջնորդ Հայոց Հալէպի




1937

ՏՊ. ԱՆԻ. Ա. ԷԲՐԵՅԵԱՆ

ՀԱԼԵՊ


IMPRIMERIE ANI
21, Rue Salibé, 21
ALEP - SYRIE

A 1
1670



ՅԱԿՈԲ ՊՈՍԿԱՆ

Հողագէս





Պ Ս Ա Կ

ԱՆԹԱՌԱՄ ՕՐՀՆՈՒԹԵԱՆ

Ի ԶԻՐԻՄ

ՅԱԻԵՏ ՈՂԲԱՑԵԱԼ

ԱԶՆՈՒԱԾՈՒՐԸ ԵՒ ՀԱՅՐԵՆԱԾԵՐ

ՅԱԿՈԲ ՌՈՍԿԱՆԻ

Հ Ա Զ Ա Գ Է Տ

(1873—1936) -

ԻՐ ՎԵՏԱԼԻ ԶԱՅՐԸ

ԵԼԻԶ ՌՈՍԿԱՆ

ՀՈՂԱԳՈՐԾՈՒԹԻՒՆԸ

ՀԻՆ ԵԲՐԱՅԵՑԻՈՅ ՄԵԶ

Ա. ՆԱԽԱՄՈՒՏ

Երբ Աբրահամնահապետ թողուց իր հայրենիք խառանը և եկաւ Պաղեստին բնակիլ, հոն գտաւ եօթը ցեղեր, Քանանացիք, Ամհօրացիք, Յիբուսացիք, Գերգեսացիք եւն: Երբ Յեսու Պաղեստինը գրաւեց, քաղաքներուն մեծագոյն մասը իրենց վրայ ունէր փոքրիկ անկախ թագաւոր մը: Մովսէսի յաշորդը հսրայէլի զանազան ցեղերուն միջեւ բաժնեց գրաւուած երկիրը: Երկոտասան ցեղերուն բաժնուած մնալը տեւեց մինչեւ երուսաղէմի առումը Տիտոսէն: Բայց Դատաւորներու օրով այդ ցեղերէն մէկը կամ միւսը պարտաւորեցան ճանչնալ Սաւուզով, Դաւիթով ու Սոլոմոնով իրադորձուած միահեծան իշխանութիւնը: Այս միութիւնը սակայն խորտակուեցաւ Սոլոմոնի որդի Ռաբովամի թագաւորութեան օրով, և Պաղեստին երկու թագաւորութեանց բաժնուեցաւ. հիւսիսայինը՝ հսրայէլի, իսկ հարաւայինը՝ Յուղայի: Իրաց այս վիճակը շարունակուեցաւ միջեւ Սամարիոյ գրաւումը Ասորեստանցիներէն (721 Ք. Է. առաջ): Երբ Սարկոն, Նինուէի թագաւորը, կործանեց

իսրայէլի թագաւորութիւնը, մտածեց բնակչութենէն շատ նուազած կեղրոնական Պաղեստինը բաղմացնել, այս նպատակաւ իշխանը Բաբելոնի և Սուրբոյ մէջ յաղթածը զանազան ժողովուրդներէն մաս մը բերաւ հոն բնակեցուց, որոնք ապա ճանչցուեցան Սամարացի անունով:

Վերջացող 1936 տարին քաղաքական տեսակէտով կարեւոր եղաւ մասնաւորապէս Պաղեստինի համար: Տարուան սկիզբէն, բովանդակ Հրէաստան թատր հանդիսացաւ քաղաքական շարժումներու, որոնց առերեւոյթ վերլուծումը նոյնիսկ բաւական կ'ըլլայ բացատրելու այդ գժուարութիւններու բնոյթը:

1917էն ի վեր անգլիական գրաւման և Հոգատարութեան տակ գտնուող Պաղեստին, շուրջ քըսան տարուան ընթացքին յաջողեցաւ իր մէջ հրաւիրել աշխարհի զանազան կողմերը ցրուած հրէական աչքառու զանգուածներ: Հրեայք վաղուց ի վեր հետամուտ հրէական հայրենիքի մը կերտումին, նիւթական և բարոյական մեծ զոհոզութիւններով հաւաքուեցան Սիօնականութեան գաղափարին շուրջ՝ ա՛յնպիսի ատեն մը մանաւանդ՝ երբ Եւրոպայի քանի մը ծանօթ երկիրներու մէջ եռանգուն հալածանք մը սկսած էր Սեմական ցեղին հանդէպ: Գերմանիա և Ռումանիա որոշեցին իսպառ վտարել իրենց հողերէն աշխատասէր ու մասնաւորաբար հողագործ ա՛յն ժողովուրդը, որ դարերէ ի վեր իր կենսունակութեամբը, իր արդիւնաբերութեամբը և իր մշակոյթովը նպաստեր էր այդ երկու երկիրներու քաղաքակրթական վերելքին: Եթէ այդ զըմբախտ վտարման առաջին հետեւանքները ծանր ճնշեցին հրեայ ժողովուրդին և զլիաւորաբար

անոր երիտասարդութեան, միւս կողմէ սակայն
 պաղեստինեան իրենց նորածին հայրենիքը խո-
 րապէս օգտուեցաւ ներգաղթով հրեայ ուժերէն։
 Ամերիկեան և Անգլիական բարեսիրական ընկե-
 րակցութիւններ՝ հոգ չէ թէ յաճախ քաղաքական
 գետնի վրայ՝ օժանդակեցին հրէական Օճախին
 և երբեմնի անմշակ ու ամուլ անապատը վերա-
 ծեցին կենսունակ և խոստմնալից հայրենիքի
 մը Քրիստոնի Ա. Պարուն երբ երուսալէմ կոր-
 ծանեցաւ Տիտոսի կողմէ և վերջնապէս փշուած
 Նկատուեցաւ Սովորոնի թագաւորութիւնը,
 Հրեայ քաքեցին իրենց հայրենիքը և պանդխտե-
 ցան Հին աշխարհի վաճառաշահ կեղրոններուն
 մէջ՝ կազմելով հրէական կարեւոր դադութներ։
 և իրաւ է որ հրէական բռն հայրենիքին մէջ
 մնացին բաւական թիւով Երրայեցիններ, բայց
 ուեւէ ատեն ուժ չունեցան իրենց ջնջուած թա-
 գաւորութիւնը վերստին ծաղկեցնելու։ Խոլա-
 մական կրօնի ծաւալմամբ հին Պաղեստին գրե-
 թէ կորսնցուց իր նախնական նկարագիրը ու
 ան դարձաւ Խոլամ երկիր մը, որ տեւեց մինչեւ
 1917։ Այդ թուականէն ասդին, երջանիկ թուա-
 կան մը արդարեւ Սիօնական վերածնունդին
 համար, հրէական ազգային դատին և անոր
 պաշտպանութեան համար մեծահարուստ Հրեա-
 ներ, միշտ կոթնած Բրիտանական Հոգատարու-
 թեան, տրամադրեցին իրենց ուժերը, գնելու հա-
 մար մեծատարած հոգեր, կերտելու նոր քաղաք-
 ներ և աւաններ, ծաղկեցնելու Պաղեստինեան
 ծովերքի երբեմնի անշէն նաւահանգիստները
 եւ լեռներու ջուրերը գիտական նորագոյն գրու-
 թիւններով հասցնելու մինչեւ հեռաւոր նորա-
 ծաղկ պարտէղները, թէեւ այդ թուականէն ա-
 զին Բրիտանական Հոգատարութիւնը տէրն էր

Պաղեստինի կացութեան, սակայն հրեայ ներգաղթը ա՛յնքան աչքառու սկիզբ և զարդացում ունեցաւ որ իսլամ բնիկ տարրը չի կըցաւ հանգուրժել և տկարացաւ հրէական մրցումին առջեւ: Հրէական ներգաղթը թերեւս այդքան խոր ազգեցութիւն չներգործէր երկրին իսլամներուն վրայ՝ եթէ երրեք ան սահմանափակուած լլլար միայն ներքին և ծովեղերեայ մեծ ու պղտիկ քաղաքներու հաստատումովը: Որքան ընդարձակուէր Հայքան, Եաֆան կամ Թէլ - Ավիվը, իրեւ բանուէ և վաճառաշահ նաւահանգիստներ, ակներե էր որ հրէական ներգաղթը պիտի խուժէր երկրին զէպի ներսերը և հրեայ գիւղացին ու հողագործը և հողատնտեսը, որ նախաքրիստոնէական դարերէն իսկ ժառանգած էր մարդկային առաջին ժամանակներու հարազատ ու բնական զրագումները, պիտի վերագառնար իր հին երկրագործութեան, օգտագործելով արդիական բոլոր յեղաշրջումները ու քաղքենի իր աղդակիցներուն պիտի ձգէր բնակիլ մեծ քաղաքներու մէջ և զարդացնել վաճառականութիւն, տնտեսութիւն:

Պաղեստինի հրեայ ժողովուրդը ո՛չ ճարտարարուեստ ունի և ոչ ալ յիշատակութեան արժանի վաճառականութիւն: Հաղորդակցութեան միջոցները ներքին մասանց մէջ կը կիրարկուին երկաթուղուոյ շնորհիւ, բայց հակառակ վերջին քսան տարիներու երկրին կրած զգալի յառաջդիմութեան, ծովային վաճառականութիւնը մեծ շարժում մը ցոյց չի տար, թէն պատմութեան մէջ Պաղեստինի վաճառականութիւնը ունէր իր մասնաւոր կարեւորութիւնը: Իսրայէլացիք գիտէին օգտագործել ծովեղերքի

բնական ըուլոր յարմաբռւթիւնները և Սիդօնի, Տիւրոսի, Աքեայի, Պաղեստինեան կեսարիոյ և Եաֆայի նաւահանգիստները, եղան բանուեկ վաճառականութեան սքանչելի կեզրոններ, միեւնոյն ժամանակ զարձան բաց նաւահանգիստներ, ասիական ցամաքի այս մասին, ինչպէս նաեւ եւրոպական ցամաքին համար: Երբայեցիք, իրաւէ, սահմանուած չէին ծովային ժողովուրդ մը ըլլալու, և ծովը իրենց համար չէր, ինչպէս որ չէր իրենց նման ուրիշ ազգերու համար ալ, ոչ իբր միջոց տարածուելու և ոչ ալ կը կազմէր հարստութեան ալրիւր մը: Բայց եղան շրջաններ, ուր Պաղեստինեան ծովեզերքը, իր պղտիկ նաւահանգիստներով, սգեւորութիւն և կեանք ու շարժում բերաւ: Միջին զարուն նոյնիսկ, այս նաւահանգիստները շատ լաւ կը բանէին, բայց դարերէ ի վեր անսոնց և ոչ մէկը կը բաւէ մեծ տարողութեամբ նաւերու: Շնորհիւ ձեռք առնուած գիտական և ճարտարային լուրջ միջոցներու, Հայֆայի նաւահանգիստը այսօր կը խոստանայ ըլլալ Միջերկրականի աւաղանին կարեւորագոյն առեւտրական խարիսխներէն մէկը, որ մեծապէս նպաստեց երկրին հողագործութեան, որ պէտք է խօստավանիլ, հասաւ անցեալ շրջաններուն մէջ արձանագրուած համբաւին և զայն գերազանցեց նոյն իսկ:

Բարերախտութիւն մըն է տեսնել որ Անգլիական Արքայական քննիչ Յանձնաժողովը յաջողեցաւ գէթ առժամապէս զաղբեցնել երկուստեք ցոյց տրուած և ամփաներ տեւող ծայրայելութիւնները և առիթ տալ Պաղեստինի հրեայ և իսլամ աշխոյժ տարրերուն որպէսդի հետզետէ դարմանել գիտնան ցարդի յայտ եկած բա-

լոր վնասները : Պաղեստին իրք երկրագործական
երկիր ունի իր առանձին կարեւորութիւնը, ու
կ'արժէ որ ճանչնանք այն բոլոր շրջանները, ուր
Պաղեստինեան երկրագործութիւնը ցոյց տուաւ
իր զարգացումն ու կատարելագործումը :

Բ.

ՀՈՂԱԳՈՐԾՈՒԹԵԱՆ ՍԿԶԲՆԱԿԱՆ ՇՐՋԱՆԸ

ԹԱՂԵՍՏԻՆԻ ՄԷջ

Հող մշակելը, ինչպէս նաև արջառ պահելը,
խնամելն ու շատցնելը եղան Հրէից գլխաւոր
աշխատանքը Պաղեստինի մէջ։ Մարդուն անհրա-
ժեշտ եղող և անոր սնունդին ծառայող այս երկու
տեսակ զբաղումները մարդկութեան չափ հին են և
կը հասնին մինչեւ նախամարդը։ Նոյնիսկ Աղամ
իր կորուստէն առաջ, զբուած Եղեմի պարտէ-
զին մէջ, պարտաւոր էր զայն մշակել և պահել—
«Եւ Տէր Ասուած առաջ մարդը ու Եղեմի պարտէզին
մէջ դրաւ, որ զանիկա գործէ ու պահե» (Ծննդ. Բ. 15)։
Աղամ մշակեց ու պահեց Աստուծմէ իրեն պարգեւ-
ուած այդ պարտէզը, որպէսզի ճաշակէ անոր
պտուղները և սնանի։ «Եւ Տէր Ասուած պատուիրեց
մարդուն լսելով՝ պարտէզին ամեն ծառեն համարձակ
կեր» (Ծննդ. Բ. 16)։ Եթէ երբեք այնպէս պատա-
հէր որ Աղամ մնալանչած չըլլար, աշխատութիւնը
իրեն ո՛չ յոգնութիւն պիտի պատճառէր և ոչ աւ
վիշտ։ Եւ իրը պատիժ Աստուծոյ առջեւ գործած
իր անհնապանդութեան՝ գատապարտուեցաւ
իր հացը իր ճակտի քրախնքով ուտելու (Ծննդ.
Գ. 19). այսինքն թէ պիտի չի կրնար այլեւս
հողէն սպասել ա՛յն սնունդը որ իրեն անհրաժեշտ
էր ապրելու համար և թէ միայն զայն պիտի ունե-
նար՝ յետ այնու հողը մշակելով չատ աւելի աշխար-

տութեամբ և ճիգով։ Արբազան մատեանները ու է յիշատակութիւն չունին ա՛յն կերպի մասին որով նախամարդը գործադրեց իրեն համար արուած աստուածային պատուէրը, թէ հացդ քու ճակտիդ քրտինքովը պիտի ուտեաւ. բայց միեւնոյն սրբազան մատեանները մեզի ցոյց կու տան որ Աղամի երկու որդիները, Արէլ և Կայէն, անտարակոյս իրենց հօրմէն ուսած, եղան՝ առաջինը ոչխարներուհովիւ, իսկ երկրորդը՝ հողագործ (ծննդ. Դ. 2): Արդէն երբայական իմաստով հողագործ կը նշանակէ հողը մշակող մարդ (ծեծ ադամահ):

Դաշտային աշխատութիւնը առաջին հողագործներուն համար մասնաւորապէս եղաւ ծանր և տաժանելի։ Հո՛ն, սկիզբը, ամէն ինչ տեղի ունեցաւ ձեռքով։ Ընտանի անասունները անտարակոյս որ գործածուեցան շատ աւելի ուշ ժամանակներու մէջ, հողագործութեան ու փոխադրութեան ծառայեցնելով զանոնք։ Կայէնի սերունդէն Յօրէլ որ կոչուեցաւ ճեայր ոչխարի հօտերու», եղաւ թերեւս առաջինը որ յաջողեցաւ մարդուն ծառայութեան տրամադրել իր թանկագին օժանդակները եղող արջառը և որ իր եղբայրներուն սորվեցուց օգտագործել զանոնք իրը գրաստ և իբր մշակման գործիք։ Ի սկզբան Կայէն և իր որդիքը բաւականացան նոյն կոշտ գործիքներով՝ զորս հաւանաբար հնարեցին, և ասիկա շատ կանուխէն, փարելու և պեղելու համար հողը, հանելու փուշերն ու խոչերը, ապա քաղելու համար իրենց աշխատութեան պտուղը։ Հողագործութեան մէջ կիրարկելի մետաղեայ գործիքները, աւելի սովորական և աւելի տեական գործածութեան մը համար, հնարուեցաւ չըհեղէն առաջ, Թօրէլ Կայէնի կողմէ (ծննդ. Դ. 22) որ արդարեւ նոր յառաջդիմութիւն մը արձանա-

զըրեց հողագործութեան համար։ Այս իրողութեան կատարութեան գատ ոչինչ գիտենք թէ այդ շրջանին ինչերէ։ Կը բաղկանային երկրագործական գործիքները և թէ ի՞նչ եղանակով կը կիրարկէին հողի մշակութիւնը։ Ինչ որ հաստատուն է, այսքանը միայն գիտենք որ ջրհեղեղէն վերջ նոյ ինքզինքը մասնաւորաբար տուաւ հողագործութեան, թէ նոյ որթատունկ տնկեց և խաղողէն գինին հանեց (Ծննդ. թ. 20 - 21)։

Գ.

ՀՈՂԱԳՈՐԾՈՒԹԻՒՆԸ
ՆԱՀԱՊԵՏՆԵՐՈՒ ԺԱՄԱՆԱԿ

Ծննդոց բազմաթիւ գլուխներէն յայտնի է որ Արքահամ, Խաչակ և Յակոբ Նահապետներ, շրոնք ընդհանրապէս թափառական կեանք մը ապրեցան, զբաղեցան գլխաւորաբար խաչնարածութեամբ և իրենց հարստութիւնը կազմեցին Ընդհանրապէս մաքիները, այձերը, եղները, էշերն ու ուղաերը Անոնք մշակեցին սակայն ցորեն. ու երբ Խահապետներ իրենց ցեղախումբով պարտաւորուեցան միեւնոյն վայրին մէջ երկար ատեն մնալ, ատիկա գլխաւորաբար անո՞ր համար էր՝ որ պարտաւորուած էին սպասել մինչեւ նոր հունձքը: Այսպէս էր որ Խահակ Գերաբայի մէջ ցորեն ցանեց որ իրեն տուաւ մէկի գէմ հարիւր. «Եւ Խահակ ան երկրին մէջ ցանեց ու ան տարին հարիւրապահի արդիին խաղեց, եւ Տէրը օրհնեց զանիկա» (Ծննդ. իջ. 12): Ծննդոց լի. 7 համարին մէջ խորհրդաւոր զէպը մը լաւագոյնս կը բացարէ հին Հրէից մէջ երկրագործութեան շուրջ տեսնուած զարգացումը: «Ահա մենի, կըսկ Յօվսէի, իր երազը պատմելով, դաշտին մէջ որաներ կը կապիին, եւ ահա իմ որաս երաւ ու շիտակ կանգնեցաւ. եւ ահա մեր որաները ամոր բոլորտիմը կայնեցան, ու իմ որայիս երկրագորիւն ըրին»: Այս մանրավէպը հունձքին յատուկ ակնարկութիւն մըն է անչուշտ: Երբ Հրեայք Եղիպտոսի մէջ կը պանդխտէին, անոնք ընդհանրապէս հովութիւն

ըրին նեղոսի հովտին մէջ, բայց անոնք չի կրցան
երբեք բոլորովին լքել հողագործութիւնը և
այն արգաւանդ երկրին մէջ ուր անոնք բնակե-
ցան՝ հետամօւտ եղան Եգիպտացիներու հողագոր-
ծութեան համար կիրարկած աւելի գործնական
միջոցներուն. և արդարեւ Եգիպտացիք հողը
արդիւնաւորելու արուեստին մէջ Հրեաներէն
անհամեմատ բարձր էին:

Բազմաթիւ յիշատակութիւններ ինչպէս
նաև պատկերներ և ասոնց տակ կարգացուած
արձանագրութիւններ, շատ յստակ գաղափար մը
կու տան այն բոլոր կիրպերուն վրայ, զորո
Եգիպտացիք կը կիրարէին լրենց երկիրը մշա-
կելու համար: Եգիպտական Զ. Հարստութեան
պատկանող բազմաթիւ քանդակներ ցոյց կու
տան թէ ինչպէս հին Եգիպտացիք Կ'աշխատէին
հողագործութեան զանազան կիրպերուն մէջ.
այսպէս օրինակ հողը վարել, ցանել, քաղել, ցո-
րեն ծեծել, ցորեն ամբարել, եւայլն: Այդ փորագ-
րութիւնները գտնուեցան գերեզմաններու քարե-
րէն և այն սրա Հներէն ուրտեղ զրուած էին բաղ-
մաթիւ մոմեաններ: Հնդամատեանին մէջ այս նպա-
տակով բազմաթիւ ակնարկութիւններ ևս կան:

Երբ իսրայէլացիք շփման մէջ գտնուեցան
նեղոսի հովտին մէջ հին Եգիպտացիներու հետ,
սկսան աստիճանաբար զարդանալ հողամշակու-
թեան արուեստին մէջ, ու Հրեայք Եգիպտոսի մէջ
տեսած հողատնտեսական փորձառութիւնները
շատ դիւրութեամբ կրցան կիրարէել Սինայի անա-
պատին մէջ իրենց պանդխտութեան օրերուն,
ինչպէս սր իրենց մէ առաջ Հրեայ նահապետներ
ըրած էին՝ երբ անոնք ալ երկար ատեն միենոյն
տեղւոյն վրայ պանդխտեցան: Բայց ամէնէն աւե-

լի Հրեայք իրենց հողատնտեսութեան վարժութիւնն ու փորձառութիւնը ի յայտ բերին Աւետեաց Երկրին մէջ, ուր վայելեցին խաղաղութիւն և Աստուծմէ իրենց խոստացուած երկիրը վերածեցին իրական դրախտի մը, և ինչպէս կը պատմէ Ս. Գիրքը՝ այդ սքանչելի երկրին մէջ, որ ոսոգուած էր առուակներով և ազրէւրներով և ուրեկողակաչուն աղբիւրներ կը ցայտէին հովիտներու մէջ և բլուրներու վրայ, երկիր մը ընտիր ցորենի և գարիփի, որթատունիի և թուզի, նոնենիներու և ծիթենիներու, իսկապէս որ կը բխէր իւղ և մեղք: Այն ատեն միայն Երբայեցիք ինքնինքնին ամբողջովին նուեիրեցին դաշտային աշխատանքի և որ իրենց հօտերուն հետերկար ատեն կազմեց իրենց միակ վաստակն ու աղբիւրը: Սյա բոլորին մէջ սակայն ճշմարիտ է որ Քանանացիք եղան առաջին ճամբան պատրաստովը և օրինակ հանգիսացովը:

Նահապետներու շըջանին բուն հողագործութիւնը կը թուի թէ երկրին բնակչութեան կողմէ առհասարակ պակաս կիրարկուած էր: Ս. Գրական միեւնոյն աղբիւրներէն կը տեսնենք որ յաճախ Քանանացի և Երբայեցի հովիւներու մէջ անհամածայնութիւն և կուիւներ տեղի ունեցած են: Գլխաւորաբար ջրհարներու պատճառաւ, բայց չենք պատահիր երբեք նման կուիւներու, հունձքի և այլ առիթներով: «Եւ իր հօրը Արքահամի օրերը, իր հօրը ծառաներուն փորած բոլոր յժհորեները Փղշացիք գոցեցին, ու հոդով լեցուցին զանոնիք (Ծնող. հ. 2. 15)», և զարձեալ և Գերատայի հովիւները հասկակէն հովիւներուն հետ կը կուռէիմ՝ ըսեղով: Զուրը մերն և, անոր համար ան հորին անունը էսկ դրաւ, յանզի անոր հետ կուռե-

ցան: Եւ ուրիշ հոր մը փորեցին, ու անոր համար
 այ կոռսեցաւ, եւ անոր անունը Սիդեա դրաւ...»
 (Նոյն 20—21): Գերարայի թագաւորին հարստու-
 թիւնները կը կայանային գլխաւորաբար արջա-
 ռէ. այս էր նաև հարստութիւնը Սիւքէմի ժո-
 ղովուրզին: Յացառութիւն կը կազմէր միայն
 Յորդանանու ստորին հովիտը՝ որ արտակարգ
 կերպով արգասաբեր էր և մշակուած՝ Եղիպտա-
 ցիներուն կիրարկած հողագործական միջոցնե-
 րով: Հրէից Պաղեստինէ ելքի շրջանին հողա-
 գործութիւնը զգալի յառաջդիմութիւններ ցոյց
 կու տայ գրեթէ ամբողջ երկրին մէջ: «... եւ
 մինչիւ Խսողի ձոր եկան, ու անկէ խաղողի ող-
 կոյզ մը կտրեցին ուռուվը միասին եւ երկու հոգի լծա-
 կով վերցուցին զայն. և նուռերէն ու բուզերէն ալ
 տարին: Այս պատկերաւոր զրուագը ինքնին բա-
 ւական է ցոյց տալու համար թէ Սինայի Անա-
 պատին մէջ Հրեայք ո՛քան մնէ խնամքով կը
 մշակէին որթատունկը՝ մասնաւորաբար Քերոնի
 շրջականները: Դարձեալ թ. Օրինաց մէջ կը տես-
 նենք հետեւեալ նշանակելի յիշատակութիւնը
 «... անանկ երկիր մը (Աւետեաց երկրի ակնարկու-
 թիւն) որ ցորենով, զարիվ, այգիներով, բղենինե-
 րով եւ նուենիներով լիցուն է. ինդ տուող ձիթենի-
 ներու ու մեղրի երկիր...»: Ասիկա ցոյց կու տայ
 թէ ինչքան տարածուած էր արմտիքի մշակու-
 թիւնը ինչպէս նաև մշակութիւնը պաղատու-
 ծառերու: Յեսուայ գիրքը, (Ե. 12.) մեզի ցոյց
 կու տայ թէ երբայեցիք, Յորդանան գետը անց-
 նելէ վերջ, Քանանու երկրին մէջ գտան ամէն
 ինչ որ անհրաժեշտ էր իրենց սնունդին համար:



Դ.

ՄՈՎՍԵՍԻ ԿՈՂՄԻ ԴՐՈՒԱԾ ՀՈՂԱՅԻՆ

ՕՐԷՆՔՆԵՐ ԵՒ ԻՐԵՆՑ ԿՐՈՆԱԿԱՆ

ԿԱՐԵՒՈՐՈՒԹԻՒՆԸ

Մովսէս իր կանոնագրած օրէնքներուն մէջ
ո՛չ մի բան չխնայեց քաջալերելու և արդիւնա-
ւորելու հասար հողագործութիւնը։ Հրէից մէջ,
Մովսէսինախաձեռնութեամբ, երկրագործութիւ-
նը կազմեց առանցքն ու հիմք իր հաստատած
ընկերային դրութեան, և ասիկա նկատուեցաւ
պատճառներէն մին Մովսէսաղիր օրինաց գերա-
կըշութեան՝ ուրիշ բոլոր հեթանոս օրինագրու-
թեանց վրայ։ Մովսէսի և իր ժամանակակից Հրէից
ըմբռնումով հողամշակութիւնը մարդուն գլխա-
ւոր և բնական զրադումը պէտք էր կազմած
ըլլալ և այդպէս էր արդէն։ Ո՛չ միայն հողային
պարագումները անհրաժեշտ էին մարդուն տա-
լու իր ամէնօրեայ հացը, այլև այդ սուրբ աշ-
խատութեանց միջոցաւ էր որ միաժամանակ
մարդկային մարմինը առողջ կը մնար և հոգին ալ
ըիւրեղակերպ։ Հովուական կեանքը որ իր հա-
կազրութիւններովը ստիպած էր երրայեցիները
հաւաքական կեանք մը ապրիլ, նահապետական
շրջանի ամբողջ ընթացքին կազմած էր միակ
աղդակը աստուածալաշտութեան, ինչպէս Քա-
նանու երկրի՝ անանկ ալ Եգիպտոսի մէջ և ուր
մէկ հայեցակէտ միայն կը զիտուէր. պահել Ար-
քահամու ցեղը անարատ, զերծ ամէն տեսակ

խառնուրդէ զիրենք չըջապատող կռապաշտներէն, ինչ որ կը ծառայէր նոյնպէս պարփակելու զիրենք ամէն օտարամուտ մոլութիւններէ : Պազեստինի նուաճումէն յետոյ իսրայէլացի ընտանիքը, ազգի մը վերածուած, հոգագործական կեանքի կիրաբիման չոյրէիւ զիրծ կացուցուած էր բարքերու խաթարումէ և անբարոյութենէ, ինչպէս նաեւ մտաւորական և բարոյական վատթարացումէ, ինչ որ կընար շատ զիւրութեամբ ի յայտ գալ զբացի ազգերու հետ իրենց անմիջական յարաբերութեամբը : Հողամշակութիւնը հորայէլացւոց մէջ զգալիօրէն մարեց թափառական կեանքի մը բոլոր ճաշակն ու փափաքը և ո՞վ չի գիտեր թէ այդ թափառական կեանքի վարժութիւնն է որ գրեթէ միշտ հետեւանքունեցած է յափշտակութիւնը, կողոպուտը և գեռ շատ մը վայրենաբարոյ բնութիւններ, ինչ որ կ'ապացուցուի Պէտէլի կամ անապատաբնակ ցեղերու անցեալ և ժամանակակից պատմութեամբ : Ո՞չ միայն այսքան՝ այլև դիտելի է որ հողագործութիւնը մեծապէս նպաստեց ընտանիքներու աճումին՝ երբ ընտանիքին հայրը պէտք ունէր բազմաթիւ բազուկներու իր դաշտային աշխատանքներուն համար : Երկրագործութիւնն էր նոյնպէս որ շրէից մէջ զարդացուց հայրենասիրական զգացումը, Յակոբ նահապեալ ամէն մէկ զաւակները կապելով իր ժառանգած հողին՝ որուն սեպհականատէրն էր այլեւս : Բայց հողագործութիւնը շրէից մէջ բոլոր մինչեւ հիմա յիշուածներէն գեռ աւելին ըրաւ ու լաւագոյնը՝ այն կերպովը որով երկրագործութիւնը յղացուեցաւ և կազմակերպուեցաւ, յաջողեցաւ հորայէլի ժողովրդեան մէջ հաստատելու կրօ-

Նական գաղափարը՝ ինչ որ բոլոր միւս արդիւնքներուն մէջ ամէնէն կարեւորն էր ու հզօրագոյնը։ Աւետեաց երկիրը Աստուծմէ աըբուած նուէր մըն էր իր ժողովուրդին։ Աստուած հրամայած էր իսրայէլի զաւակներուն մշակել այդ աստուածապարդեւ երկիրը։ Տէրը այդ երկիրը իր ժողովուրդին վստահած էր, բայց որ պիտի չդադրէր բնաւ աստուածային սեպհականութիւն մը դառնալէ։ Տէրը երրայեցիներուն թողուց միայն վայելել երկրին ամբողջ պտուղն ու արգիւնքը, և կամ աւելի բացայայտօրէն խօսելով՝ Աստուած իր իսրայէլ ժողովուրդը իր ադարակապաններն ու վարձակալները ըրած էր, ինչպէս որ կը կարդանք նոյնութեամբ Հեւտացւոց իԵ. 23. համարին մէջ հետեւեալ յատկանշական խօսքերով.— «Այս երկիրը... իմս կդում իմ ազարտկապաններս եմ»։ Ասկէ կը հետեւի որ իսրայէլացի հոգագործը իր դաշտին մէջ աշխատելով պիտի չմոռնար երբեք իր Տէր Աստուածը, նոյնպէս ագարակապանը պիտի չդադրէր երբեք յիշելէ իր կալուածատէրը՝ որուն պարտաւոր էր վճարել իր վարձագինն ու իր տուրքերը։ Իսրայէլի ժողովուրդին համար ադարակապարձքը կը կայանար իր Տիբոջընձայնուն մէջ իր ամէն տեսակ հունձքերուն նախախայրիքը (prémices) և վճարելու իր տասանուրդը (dîme):

Բայց բաւական չէր միայն կարձել թէ հոգը Աստուծոյ կը պատկանէր. Յակօր նահապետի ուրդիները պէտք էին յիշել նաև իրենց Տէր Աստուածը. որովհետեւ անոնք ո'չ միայն գիտէին թէ հողը Աստուծոյ կը պատկանէր, այլեւ մանաւանդ անոնք գիտակցութիւնը ունէին թէ իրենց բո-

ւոր բերքը կը գտնուէր Աստուծոյ ձեռացը մէջ։
 Մովսէս իր ժողովուրդին հոգւոյն մէջ խորապէս
 զրոշմած էր այն ճշմարտութիւնը՝ թէ իր արտե-
 րուն պտղաբերութիւնը կախում ունէր օրէնքի
 հանդէպ իր հաւատարմութենէն։ Եթէ պահէր
 այդ օրէնքները, հողը իրեն պիտի չխնայէր եր-
 բեք իր բերքերը, վասն զի Աստուած պիտի բա-
 նար միշտ իր անձրեւներուն և իր ցօղին գանձե-
 րը ու հակառակ պարագային եթէ ան չյարգէր
 աստուածային այդ պատուէրները, պիտի դատա-
 պարտուէր ու պատժուէր ու անիծուէր իր դաշ-
 տերուն և իր շտեմարաններուն մէջ, պիտի մա-
 հանար իր եղներուն և իր մաքիններուն նախիր-
 ներուն մէջ, երկինքը իրեն համար պիտի դառնար
 անջրդի և հետեւարար երաշտ՝ պղինձի պէս, և
 երկիրը պիտի դառնար կարծը և ամուլ՝ երկաթի
 պէս, ու իրը անձրեւ, պիտի ունենար միայն մո-
 խիր և փոշի եւ որդերն ու մարախները պիտի
 աւերէին ամէն ինչ որ իր արտերը պիտի արտադ-
 րէին։ — «Եւ Տէրը բարիսներով խզի պիտի լնցնէ...
 ու անառուններուդ պտուղը ու յու երկրիդ
 պտուղը շացցնելով այն երկրին Վրայ, որն
 որ Տէրը յու հայրերուդ երդում ըրաւ իեզի տա-
 րու։ Տէրը իր բարորեամ զանձը՝ այսինքն երկին-
 քը նեզի պիտի տայ, որ յու երկրիդ անձեւը առևնովը
 տայ, ու յու ձեռիդ ամէն գործըօրհնէ... Բայց քէ որ
 յու Տէր Աստուծոյդ խօսին չհնազնեդիս, ու յապ-
 հնէս ու յընես անտ բոլոր պատուիրանիներն ու կա-
 նոնները... այն ատեն այս ամէն անկժները յու վր-
 ադ գալով, նեզի պիտի հասնին։ Քաղաքի մէջ անիծ-
 եալ, ու դաշտի մէջ անիծեալ պիտի ըլլաս. յու կո-
 ղովդ ու տաշտի անիծեալ պիտի ըլլայ... Տէրը անձ-
 եւի ենդ ենդ ու փոշի պիտի տայ յու երկրիդ ...
 (Բ. Օրինաց իլ., 11 - 68)։ Ու աստուածային այս

խոստումներն ու սպառնալիքները իսրայէլացւոց յիշողութեան մէջ միշտ անբաժան էին.— «Թէ որ անոնց նեզի դէմ մեղք գործելուն համար երկինքը գոցուի ու անձրեւ չգայ, ու անոնի աս տեղս նեզի աղօրի ընեն, եւ որ անուանդ փառք տան, ու զանոնի նեղեւուդ համար իրենց մեղիերէն զառեան, այն ատեն դուն երկինքն լսես, եւ որ ծառաներուդ ու որ ժողովուրդիդ իսրայէլին մեղիք նիւեն, որ անոնց սորվեցնես այն աղէկ ճամբան որուն մէջը պիտի խայեն, եւ իու ժողովուրդիդ ժառանգուրիւն տուած երկրիդ վրայ անձրեւ տաս (Բ. Թագաւորաց Բ. 35 - 36)»։ Եւ այսպէս հողի բերքին և իր անծնական շահուն հանդէպ իսրայէլի ժողովուրդին տածած սէրը երկրագործութիւնը հանդիսացուցին իրը հղորագոյն ազգակներէն մէկը՝ պահպաննելու համար իրենց ճշմարիտ կրօնը։

Որովհետեւ բոլոր երրայեցիք, առանց բացառութեան, մշակելի պատուական հողերու տէր էին, ըոլորն ալ մեծ եռանդ և շահագրգուռութիւն ցոյց կռւ տային լաւ բերքեր ունենալու համար։ Մովսէս գործնական միտքի տէր առաջնորդ և վարիչ, հաստատեց հողային սքանչելի օրէնք մը՝ որով իւրաքանչիւր հրեայ լնտանիք իրեն համար բաւարար հող կ'ունենար և ամբողջ հողը բամնուած էր արդարի հաւասար մասերու, բան մը՝ որ մինչեւ այսօր կարելի չէ եղած իրագործել նոյնիսկ ամէնէն քաղաքակիրթ երկիրներու մէջ, և որմէ կը շարունակէ տառապիլ դեռ ժողովուրդի հասարակ դասակարգը, հակառակ մեծամասնութիւն կազմելուն ամէն տեղ, ըլլա՛ Նին, ըլլայ Նոր աշխարհներու մէջ։ Տարիներէ ի վեր իսրայէլային Ռուսիոյ սահմաններուն մէջ այս է տիրող իրաւակարգը, բայց բոլորովին տարբեր

պայմաններու մէջ։ Մեր այժմու բնակավայրը կազմող Առւրիոյ մէջ, հիւսիսէն մինչև հարաւ, հողը սեպհականութիւնն է հարուստ կալուածատիրոջ, և այս հողերը արդիւնաւորողը աղքատու բոկոտն ֆէլլանն է միայն, յետին ծայր թշուառութեան մատնուած և զուրկ՝ կեանքի ամէնէն տարրական պահանջներէն։ Որպէս զի հողի բաժանումը վերը յիշուած պայմաններով իբագործուի Առվական մատնուած մարդարարութիւնն է առաջ ընդհանուր մարդահամար մը տեղի ունենայ անմիջապէս։ Մովսէս կոկիկ ու կլոր հաշւով վեց հարիւր հաղար բաժնեկիցներու վրայ բաժնեց ամբողջ հողը։ Կատարուած ճշգրիտ վիճակգրութեանց համաձայն, իւրաքանչիւր բաժնեկից Հրեայ միջին հաշւով ստացաւ վեցէն տասը արտավար (hectare) հող։ Դժուար է արգարե որոշապէս ճշղել թէ իւրաքանչիւր ցեղի, ինչպէս նաև տասներկու ցեղերու բոլոր անդամներուն, միջին հաշւով, որքա՞ն տարածութեամբ հող բաժնուեցաւ, արուած ըլլալով որ ծարայէլացիներէն գրաւուած երկրին էրական սահմանները կարելի չէ եղած որոշել։

Մովսիսական օրէնսդրութեան մէկ ուրիշ կարեւոր կէտը, որ սահմանուած էր հողամշակութիւնը զարձնել բոլոր Եբրայեցիներուն համար ազգային ամենամեծ զբաղումը և Հրեաները կապել զիրենք սնուցանող հողին, սա՛ էր որ Աստուծոյ հրամանով Հրեայի մը հողային կալուածը ուրիշի մը, այսինքն օտարականի մը չէր կընար անցնիլ, ծախուելով կամ գրաւի դրուելով։ — «Ես յորելեան տարին ձեզմէ ամեն մէկը իր սացուածին պիտի դատնայ» (Ղեւտացւոց իւ, 10)։ Մինչև 18րդ դար, Ղեւտացւոց բոլոր գիւղացի-

ները, ո՞չ մէկ օտարական կ'ընդունէին իրենց
մէջ և պատառմը հող ուրիշին ծախելու արտօն-
ուած չէին. ամբողջ երկիրը, լեռնային մասերը
մանաւանդ, հարուստ էր և ո՞չ ոք միտքէ կ'ան-
ցունէր պանդխտիլ օտար աշխարհ, Տնտեսական
կամ հողային գժուարութիւններէ աւելի լիբա-
նանի Մարոնիները քաղաքական պատճառներով
պանդխտեցան Ամերիկա: Մինչեւ այսօր զեռ Ան-
տիոքի հայ գիւղերը կը գժուարանան իրենց ար-
տերն ու տուները օտարին ծախելու: Զիրենք
պահողը իրենց հնաւանդ սովորութեանց մէջ,
իրենց հայրենի տունն է. իսկ տունը պահողն
ալ անոր քովը կամ քիչ մը հեռու գտնուող իր
արտն է: Կընար պատահիլ որ հարկեցուցիչ պա-
րագաներու առջեւ հրեայ կալուածատէր մը
բոնազատուէր թողելու իր արտն ու այդին,
հայթայթելու համար անհրաժեշտ պակասները.
այս պարագային Հրեան արտօնուած էր ծախե-
լու իր հողը, պայմանաւ սակայն՝ որ այդ վա-
ճառումը ժամանակաւոր ըլլար և Յորեկեանի
սարւոյն մէջ արտը վերադառնար իր առաջին
տիրոջ: Եւ արդէն կարելի՛ սահմաններու մէջ հո-
ղի վաճառումը սահմանափակելու և իթէ կարելի՛
է ըսել արգիլելու համար օրէնսդիրը արգիլած
էր տոկոս պահանջելը, որպէս զի հրեայ հողատի-
րոջ պարտքը չաճէր ու չդիզուէր.— «Քու ստակդ
վաշխով պիտի յտաս անոր, եւ յու կերակուրդ տո-
կոսիբով յտաս» (Ղեւտացւոց իծ. 37): Հրեան իւ-
րաքանչիւր հօթը տարին, այսինքն շաբաթեան
տարին, կը ննջէր իր պարտքերը.— «Թօարազդիկն
պիտի պահանձես, բայց յու եղրօւմկդ առնելիքդ
պիտի բողուս (Բ. Օրինաց ժե. 3): Աւելի վերջերը,
իսրայէլի մարգարէները ծառացան հարուստ վաշ-
խառուներու դէմ, որոնք «արտ արտի վրայ» կը

զիվէին։ Յայտնի է թէ Աստուած ի՞նչ խստութեամբ պատժեց Աքաարն ու կինը Յեղաբէլը, որոնք ի վնաս Նարովդի բռնաբարել ուղեցին սեպհականատիրութեան օրէնքները (Դ. Թագաւորաց իԱ. 1—29)։ Հրէից արտերը բաժնող ու ճշգող սահմանները պարտ էին անքակ մնալ, այնպէս՝ ինչպէս որ նախապէս դրուած էին։ — Զըլլայ որ փոխես յու դրացիիդ սահմանը՝ որ յու նախահայրերդ հաստատեցին (Բ. Օրինաց ԺԹ. 14)։

Շնորհիւ Մովսիսական այս շատ բանաւոր օրէնսդրութեան, հողագործութիւնը այսպէս կազմեց իսրայէլացիներուն գրեթէ բոլորովին ինքնայատուկ զբաղումը, ու այս մինչեւ իրենց գերի տարուիլը Բաբելոն։ Ու երբ վերագարձան գերութենէ, ան զարձեալ մնաց իրենց գլխաւոր ու սիրելի զբաղումը, թէեւ Հրեաներէն շատեր այդ շրջանէն ասդին նուիրուեցան վաճառականութեան և ճարտարարուեստի։

ԵՐԿՐԱԳՈՐԾԱԿԱՆ ԲԵՐՔԵՐ

Պաղեստինի մէջ մշակուած հացահատիկի գլխաւոր տեսակներն էին՝ ցորեն և գարի, որոնց վրայ աւելցունել պէտք էր նաեւ կորեակը (millet):

Երկիր մը որ ցորենվ, զարիով... լեցուն և (Բ. Օրինաց Բ. 8): Ու երբ Դաւիթ Մանայիմ եկաւ... ցորեն, զարի, 'ալիւր... բերին որ ուսեն (Բ. Թագաւորաց Ժ. 28): Ու դուն նեզի ցորեն, զարի... կորեակ... առ եւ զանոնի ամանի մը մէջ դիր, ու անոնցմէն նեզի հաց շինե (Եղեկիէլ Դ. 9): Վարսակն ու հաճարը երբեք յիշատակուած չեն Ս. Գրոց մէջ, ու մինչեւ այսօր ալ անոնք հազիւթէ ճանչցուած են Սուրբոյ մէջ: Ամէնէն արգասարեր հողերը մէկի տեղ վաթսուն, ու նոյնիս կ հարիւր կրնային տալ, բայց ասոնց միջինը կը թուէր եղած ըլլալ մէկի տեղ երեսուն:

Եւ իսահակ այն երկրին (Գերատ) մէջ ցանեց, ու ան տարին ձարիւրապատիկ արդիւնի բաղեց (Ծննդոց ԻԶ. 12):

...Եւ ուրիշները ինկան աղէկ հողի մէջ, ու պտու կու տային՝ որը (մէկուն տեղը) հարիւր, որը վարսուն, եւ որը երեսուն (Մատթէոս Ժ. 8): Իբր կանաչեղէն Հըեայք Ս. Երկրի մէջ կը հաւաքէին ոսպ և բակլայ (Բ. Թագ. ԻԳ. 11 և 28): Իբր անուշահոտ բոյսեր, ծանօթ էին սեւենին (nigelle) և չամանը (cumin). Իբր բանչարային բոյս, կը մշակէին վարունկն ու գդումը: Սոխը, պրասը,

սխտորը, սեխը երբեք յիշատակուած չեն իրը
Քանանու երկրի բերքեր, բայց ամէն կասկածէ
վեր է որ ասոնք մշակուած չըլլան, թէեւ Ս.
Գրոց մէջ ոհեւէ առթիւ յիշատակուած չենք
տեսներ ասոնք, վուշը կը կազմէր մշակման
շատ կարեւոր նիւթ մը.— «Իսկ ինը անհինը հա-
նելով, զանոնի պահեր եր յրանի եղէգներուն մէջը»
(Յեսուայ թ. 6): Վուշը Հրեայք կը գործածէին
կտաւ հիւսկու համար.— Բուրդ ու յրան կը
փնտու (Առակաց լև. 13): Բամպակենին մինչեւ
այսօր ալ բոլորովին հազուագիւտ բայս մը չէ
Պաղեստինի և Սուրբոյ մէջ, բայց յայտնի չէ թէ
ո՞ր թուականէն ասդին անոր մշակութիւնը
ընդհանրացաւ: Որթատունկը Պաղեստինի գլխա-
ւոր հարստութիւններէն մէկը կը կազմէր. զայն
կը մշակէին ամենամեծ խնամքով (Մատթ. իւ. 33): Նոյնքան ուշաղրութեամբ կը խնամուէր
նոյնպէս ձիթենին՝ որ երկրին մհծագայն ար-
տաղրութիւններէն մէկն էր և կը պարզեւէր
առատ ձիթափող: Մինչեւ այսօր գեռ բովան-
դակ Պաղեստինը ծածկուած կը տեսնենք ընտիր
ձիթենիի բազմաթիւ պարտէզներով (թ. Օրինաց
լ. 8: Գ. Թագաւորաց ե. 11): Թղենին՝ որթա-
տունկէն և ձիթենին յետոյ, կը կազմէր Պաղես-
տինի գլխաւոր բերքը, մինչեւ այսօր այս բերքը
երկրին աչքի զարնող բնական հարստութիւն-
ներէն մէկը կը կազմէ և թղենիի ընդարձակ
տարածութեամբ պարտէզներ: Կը տեսնուին երկ-
րին ամէն սահմաններու մէջ: (թ. Օրինաց լ. 8:
Գ. Թագ. Դ. 25, Զաքարիա. Գ. 10: Ղուկաս Ճ. 6—9): Պաղեստինի նպաստաւոր վայրերուն մէջ
կը մշակուէր նոյնքան յաջողութեամբ նոնենին
(թ. Օրինաց լ. 8) և արդարեւ նուոը տաք եր-
կիրներու յատուկ ամէնէն շատ վնտառուած

պտուղներէն մէկն էր: Ժանտաթզենին (sycomore) երկրին աղքատ բնակչութեան համար կը կազմէր աժանագին և առատ բերք մը՝ որով կը սնանէին շրեայք, ու կը սնանին դեռ մինչեւ այսօր: Այն տարին որ թուղը առատ կ'ըլլար երկրին ամէն կողմը, առատ էր նոյնպէս ժանտաթզենին:— Եւ Ամովս պատասխան տուաւ ու Ամասեային ըստ. ես ոչ մարգարէ կի՞ ոչ այ մարգարէի որդի. հապա ես արշաներու հովին ու մոլարուց բաղող էի (Ամովսայ է. 14): Արմաւենին յայտնի է որ Արեւելքի և Հարաւի ամէնէն հարսուստ և յարգուած ժառերէն մէկն էր, բայց որ Ս. երկրի կարգ մը մասերուն մէջ միայն կուտար իր պտուղը (Յուղա Դ. 5: Բ. Օրինաց 17. 3): Պաղեստինի մէջ, որոշ շբջաններու տակ կ'աճէր նոյնպէս նշենին. բալասենին (baumier) համբաւաւոր էր Պաղեստինի մէջ ու կը փնտըռուէր նաեւ այլուր (Եղեկիէլ հի. 17): Նարինջը որ երկար ժամանակներէ ի վեր Պաղեստինի և գլխաւորաբար Եաֆայի ամենամեծ հարստութիւնն ու հպարտութիւնը կը կազմէր, հնութեան մէջ անծանօթ էր սակայն երկրին ամբողջ տարածութեան վրայ:

Որքան որ այսպէս հողի այլատեսակ բերքեր կը հարստացնէին Պաղեստինը, այսուհանդերձ շրեայք անփոյթ չէին երեք կաթընտու կենդանիներու բուծումին և անասնապահութիւնը հնուց ի վեր երբայական ժողովութիւն ամէնէն սիրելի և նոյնիսկ պաշտելի զբաղումն էր: Զրեայ երկրագործին համար այս թանկագին աղբիւրը կը ծառայէր թէ՛ իր սընունդին և թէ իր հագուստ կապուստին: Ինչպէս Արեւելքի շատ մը երկիրներու մէջ դեռ մինչեւ օրս մարդիկ և ընդհանրապէս դիւղա-

ցիներ շատ քիչ քանակութեամբ միս կ'սպառեն, հին Հրեաներն ալ և ինչո՞ւ չ'ըսել նաև նորերն ալ, ընդհանրապէս մօակեր չեն և դիտուած է որ միտէն աւելի կաթն ու կարագն է որ մեծ քանակութեամբ կ'սպառեն, ինչ որ աւելի առողջապահական է անշուշտ։ Պաղեստինի ոչխարը ազնիւ տեսակի էր, ազնիւ բուրդով. և հրեայ կանայք մեծ ճարտարութեամբ այդ ընտիր բուրդէն կը պատրաստէին գեղեցիկ կտաւներ՝ որոնք ժողովրդեան հանդերձանքին մեծապէս կը նպաստէին (Առակաց Ա. 13, 19)։ Դաշտային աշխատանքի մէջ հրեայ երկրագործին ժուժկալ և հաւատարիմ օժանդակներն էին եղն ու էշը։ Թէ՛ նահապետներու շըջանին, թէ Մարգարէներու և աւելի ուշ ժամանակներու մէջ, Պաղեստինի հողային ամէն տեսակի բերք և արտադրութիւն, ըլլա՛յ բուսային, ըլլայ կենդանային, ո՛չ միայն լիովին կը բաւէր երկրի բարեկեցիկ և ճաշակի տէր ու լաւ հագուսող եւ ուտող ու լաւ ապրող ժողովուրդին համար, այլեւ կ'աւելնար մեծ քանակութեամբ՝ մասնաւորապէս ցորենը, ձիթապտուղը, խաղողն ու ոչխարի գեղմը, և Հրեայք օգտուելով երկրի աւելորդ բերքէն՝ զանոնք կը փոխանակէին գնելով իրենց անհրաժեշտ առարկաները և սիրտերնուն ուղած պերճանքի նիւթերը։ Այս փոխանակութիւնը կը կատարուէր իրենց ազգակիցներուն միջեւ և ընդհանրապէս երկրին էմէջէն անցնող կարաւաններուն հետո բայց այս գետնի վրայ Հրէից կատարած փոխանակման առեւտուրը առհասարակ իրենց հիւթիսի դրացին եղող Փիւնիկեցիներուն հետ էր որ կը կատարուէր։ — «Յուղա ու իսրայէլի երկիրը յու վաճառականներն էին. անոնք նեղի հետ

Մեննիրի ցորենի, խմորեղինի, մնդրի, եղի, ու բա-
լասանի առութուր կ'ընէին: Զեռագործներուդ շա-
տուրենէն ամէն տեսակ ապրանի շատ ըլլալուն համար՝
Դամասկոս յու վաճառականդ եր Քեղրոնի գինիով եւ
ձերմակ բուրդով: Վեդան ու Յաւան յու վաճառա-
նոցներդ մանած կը թերէին, յու վաճառներուդ մէ-
ջը բանուած երկար, կասեա ու խոնճկեղէն կար
(Եղեկիէլ իէ. 17—19: Առակաց լ.Ա. 22—24):

Զ.

ՄՇԱԿՄԱՆ ԵՂԱՆԱԿԸ

իսրայէլացիք ընդհանրապէս ճանչցուած են հինէն ի վեր իրը հողամշակութեան, գիւղատնտեսութեան և անասնապահութեան յարմարութիւն ունեցող ընտիր ժողովուրդ մը: Անոնք ամենամեծ ուշադրութեամբ իրենց հողերը կը մշակէին, խոր գիտակցութեամբ՝ որ որքան իրենց կողմէ աւելի խնամք եւ ուշադրութիւն ընձայուէր արտին, այնքան աւելի արդիւնք իրեն կը վերադարձնէր արտը: Եւ Հրէից մէջ այս լմբոնումը մնաց տեւական և անքակտելի, այնպէս որ մինչև այսօր դեռ ամբողջ Պաղեսափին ճանչցուած է իրը առաջնակարդ երկրագործական և գիւղատնտեսական երկիր: Պէտք է խոստովանիլ միւս կողմէ որ Պաղեսափինի հողն ալ ինքնին յարմար է երկրագործութեան և արգասաբեր, ինչպէս մինչեւ այսօր, ի բաց առեալ այն հողամասերը միայն, որոնց արդիւնքը աննպաստ է կամ ժողովուրդին անհոգութեամբը և կամ հողին ընականէն ժլատութեամբը:

Հրեայք հողը կը հերկէին մարկեղով (houe) ու եթէ հողը ու հողին գիրքը հարթ ու նպաստաւոր ըլլար կամ թեթեւորէն զառիթափ, եղն ու էշն էին որ առ հասարակ կը գործածուէին, ինչպէս Պաղեսափինի, անանկ ալ Եդիպտոսի մէջ, զաշտային աշխատանքներու վրայ (Բ. Թրինաց իթ. 10): Մարկեղով կամ արօրով ցանել ուղուած հողը կը

պատրաստէին։ Զոյգ մը եղով մէկ օրուան մէջ հերկուած հողի տարածութիւնը կը կոչուէր սեմէօ։ Կը պատահէր որ քանի մը լուծ եղ միւնոյն արտին վրայ կ'աշխատցուէր։ Ցաքանը կը լրացընէր արօրին գերը, հողակոյտերը կը փշրէր և հողը կը հարթէր, իր մէջ ընդունելու համար ցանուած սերմնցուն։ Ցանելու եղանակն ալ կը տարբերէր համաձայն սերմնցուին։ Օրէնքը կ'արդիլէր միւնոյն հողին մէջ երկու այլ տեսակ սերմ ցանել (Ղեւտացւոց ժթ. 19)։ Կարդ մը սերմնցուներ, հողին մէջ ցանելէ առաջ ջուրին մէջ կը թրջէին, ինչպէս կ'ընեն մինչեւ այսօր։ Հրեայ երկրագործը պէտք չէր որ անխնամ թողուր իր արտն ու այգին։ Առակաց մէջ (իդ. 30—31) շատ գեղեցիկ ակնարկութիւն մը կայ այս մասին։ — «Եոյլ մարդուն արտին բովկն ու պակասամիս մարդուն ալզիին բովկն անցայ. եւ ահա ամենուն մէջ փուշեր բռւսեր էին, ու անոնց երեսը եղինձնեւը ծածկեր էին»։ Եսայի Մարդարէ (Ե. 2) իր ժողովուրդին կը սորվեցնէր այդիներուն քարերը հանել։ Երեմեայ կը խօսի արօրագրումի մասին, որպէս զի հողերը անհերկ չմնան։

Հողին բնական արդասաբերութիւնը աւելցունելու համար, զայն կը մեղմացնէին կենդանական աղբով։ Կը գործածէին նաև բուսական աղբը, զոր ձեռք կը բերէին յարդն ու այլ հունձքի մնացորդները տեղւոյն վրայ այրելով։ Շաբաթական տարին կը ծառայէր տարի մը աղատ թողելու կորդ ու խոպան հողերը, որով հողը կը հանգչէր և անդադրում արտաղըելով չէր տկարանար։ Հողին տրուած այս հանգիստը անհրաժեշտ էր. ա՛յն շրջանին մանաւանդ՝ երբ Հրեայք տակաւին ծանօթ չէին քիմիական միջոցներով հողը պարաբացնելու, հողը վերադար-

Ֆընելու իր առաջին վիճակին, տալով կարգ մը
աղբեր այն նիւթերովը՝ զորս հողը կօրսնցուցած
էր և որոնք իրեն համար անհրաժեշտ էին, որ-
պէս զի ան արդասաբեր զառնար:

Հողագործական բոլոր տեսակի աշխատու-
թիւնները կը կատարուէին կամ ուղղութիւն կը
ստանային ընտանիքի տիրոջ կամ պետին կողմէ
և ո՛չ ոք կ'արհամարհէր իր արտը մշակելը: Երբ
Աստուած Գէղէռնը կանչեց, զայն իսրայէլի զա-
տաւոր կարգելու համար, անիկա զբաղած էր
ցորեն ծեծելով: Սաւուղ թագաւոր կոչուելէն
վերջն իսկ, իր եզները արտերէն տուն կը բերէր
տակաւին.— «Եւ ահա Սաւուղ արտեն կու զար իր
եզներուն ետեւէն» (Ա. Թագաւորաց ԺԱ. 5): Եղիսէ
մարգարէ արտը վարելու զբաղած էր՝ երբ Եղիս
անորտուաւ իր մաշկեակը:— «...Եւ անկէ զնաց
ու Սափասի որդին Եղիսէն գտաւ, որ արտ կը վարէր՝
իր առջեւը տաներկու զոյգ եզներ ունենալով ...
այն ատենը Եղիսէ եզները բողուց ու Եղիսային ետեւէն
վազեց (Գ. Թագաւորաց ԺԹ. 19): Ազիս թագա-
ւորին համար գրուած է ոք (Բ. Մնացորդաց իԶ.
10) շատ կ'զբաղէր հողամշակութեամբ:— «Եւ
անապատին մէշ աշտարակներ շինեց ու շատ չրհուներ
փորեց, յանզի անիկա դաշտի մէշ ու հովիտի մէշ
շատ անատներ, ու լեռնակողմը նաեւ Կարմեղոս
լիոր երկրագործներ ու այգեգործներ ուներ, յանզի
երկրագործուրինը կը սիրէր»: Մասնաւորապէս
հունձքի ժամանակ, ուր մեծ թիւով մշակներու
պէտք կար, հրեայ հողագործներուն օգնել
կու գային վարձկաներ: Նոյնը կ'ընէին նաեւ
այգեկութքի ատեն (Հոռովթ Բ. 4: Դ. Թագաւորաց
Դ. 18: Մատթէոս ի. 1-7): Երբ արտին կամ
այգիին վրայ մշակներու թիւը շատ էր, ասոնց
վրայ կը դրուէր պետ մը կամ հսկիչ մը:

12 ս. 67

Որովհետեւ Պաղեստինի մեծագոյն մասը լեռնոտ էր, բլուրներու և զառիթափերու կողին վրայ պատեր կը չինէին, կազմելով գեղեցիկ դարաստավներ (terrasse), զիւրացնելու համար մշակութիւնը և ամրացնելու նպատակաւ բուսաբեր հողը, որպէս զի հողը չփոչէր անձրեւի տակ: Այս դարաստավները խնամով կը քոնուէին և այս զրութեան չնորհիւ էր որ շատ մը գետիններ, ընդհանրապէս ամուլչը ջանաներու մէջ, վերածուած էին բարեբեր հողերու: Մինչեւ հիմա տակաւին երկրին սա կամ նա կողմերը կը տեսնուին ասոնց հետքերը: Դաշտային մասերուն մէջ հողը կ'ոռոգէին փոքր ջրանցքներու չնորհիւ, եթէ կարելի ըլլար ջուրը հան փոխադրել: Այսպէս կիրարկուած ջրաբաշխական դրութիւնը կը բացատրուի Առակաց (իԱ. 1) մէջ կարդացուած ակնարկութեամբ: — «Թագաւորին սիրալ յուրի Քահիներու պէս և Տերողը ձեռին մէջ, զանիկա ո՛ր կողմը ուզէ կը դարձընէ»:

Երկրի ամէն տիսակ արդիւնքները պաշտպանելու համար եղջերուներու, այծհամներու և էշայձեամներու յարձակմանց դէմ, յաճախ արտերը կը շրջապատէին մացառներով (Եօայի Ե. 2—5: Մատթէոս իԱ. 33: Սաղմոս ձժԸ. 41: Եզեկիէլ լլ. 20 եւն.) և հան կը բարձրացնէին, մասնաւորաբար այդիներու մէջ, պահակի յատուկ աշտարակներ, ուր զրուած էին այդիին հսկող պահապաններ, սովորութիւն մը՝ որ մինչեւ այսօր զեռ կը կիրարկուի Բեթղեհէմի շրջակայ այդիներու մէջ: Այս աշտարակները զանազան առիթներով յիշուած կը գտնենք, ինչպէս ըսինք, Ա. Գրոց պատմութեան մէջ: Դաւիթ մարգարէի ժամանակ, Յովինաթան զրուած էր իբր պահակ թագաւորին գանձերուն վրայ,

որոնք հաւաքուած կ'ըլլային դաշտերուն մէջ
և պահուած՝ աշտարակներու մէջ.— «Ու թագա-
ւորին զանձերուն վրայ Աղիկէի որդի Ազամօր կր-
եւ դաշտն ու շաղաբները եւ գեղեցր ու աշտարակնե-
րը եղող շնմարաններուն վրայ Ոզիայի որդի Յով-
նարան կր» (Ա. Մնացորդաց ի. 25): Դաշտերու
մէջ բարձրացած այս աշտարակներու մէջ պա-
հակներ կը դրուէին հսկելու համար հողային
բերքերուն Ազօթի շրջականներուն մէջ գոյու-
թիւն ունէին նման աշտարակներ (Ա. Մակա-
րայեցւոց իջ. 10): Կային նոյնպէս ոչխարի յա-
տուէ աշտարակներ՝ ուր հօտ և նախիր ի հար-
կին կը պատուպարուէին (Միքիա Դ. 8): Վերջա-
ռէս նման աշտարակներ բարձրացած էին նաեւ
կարեւոր և ընդարձակ այգիներու մէջ և որոնք
կը ծառայէին իբր աղաստան բուլոր այն պա-
հակներուն՝ որոնց պաշտօնն էր պաշտպանել
խաղողի բերքը. թէ՛ զուրսէն եկող յափշտակիչ-
ներու դէմ և թէ մասնաւորապէս վայրի կեն-
դանիներու դէմ.— «Զանիկա ցանկով պատեց, յարե-
րը հանեց մէջէն, եւ ընթիր որքեր չնկեց, ու անոր
մէջտեղը աշտարակ շինեց եւ հնձ հնձան մըն ալ փո-
րեց ու կը սպասէր որ խաղող տար» (Եսայեայ Ե. 2)
ու դարձեալ.— «Մէկ տանուէկը մարդ մը կար՝
որ այգի մը չնկեց ու ցանզով պատեց զանիկա, եւ
անոր մէջը հնձան փորեց, ու աշտարակ շինեց, եւ
զանիկա մշակներու յանձնեց ու ինը օսար երկիր
մը գնաց» (Մատթէոս ԻԱ. 23). և դարձեալ.—
«Մարդ մը այգի մը չնկեց, ու անոր բոլորսիցը
ցանգ յաշեց, եւ ստրահնեան փորեց, ու աշ-
տարակ շինեց եւ զանիկա մշակներու յանձնեց, ու
ինը օսար երկիր մը գնաց» (Մարկոս ԺԲ. 1):
Պաղեստինի մէջ, կը գրէ Միկուալ-էտէր, հողա-
տէրը իր այգիին մէջ աշտարակ մը կը շնէր

չոր քարերէ, առանց շաղախի, կոնածեւ բունի
 մը կերպարանքով, որ կ'աւարտէր հարթ տանի-
 քով մը՝ որուն վրայ գիշեր ցերեկ կը բնակէին
 ծառաները կամ երբեմն այգեպանին ընտանիքը՝
 մինչեւ այգեկութքի կամ այլ պտուղներու վեր-
 ջը։ Այդ տանիքին վրայէն պահակները կը
 հսկէին ձիթենիի և թղենիի ծառերուն, այգե-
 ին, և որպէսզի անոր բնակիչները պաշտպան-
 ուէին արեւէն կամ հովէն, տանիքը կը ծած-
 կէին կանանչ ճիւղերով։ Այս ամենահին դրու-
 թիւնը մինչեւ հիմա տակաւին, մասնաւորապէս
 Արեւելքի մէջ և ընդհանրապէս աշխարհի ամէն
 կողմը կը տեսնուի ու անոնք շատ հասարակ են
 մեր ապրած Սուրիոյ մէջ, ա՛յն տարբերութեամբ՝
 որ աշտարակ չկայ և այդ պակասը կը լրացնեն
 երբեմն պտղատու մեծ ծառերը՝ որոնց վրայ
 հաստատուած կ'ըլլան վերը ակնարկուած դալա-
 րազարդ տանիքները։ Հին քարաշէն աշտարակ-
 ներուն դուրսի կողմը սանդուխ մը դրուած էր.
 վարի մասը փայտեղէն և շարժական, իսկ վերի
 մասը քարահիւս և անշարժ։ Այս աշտարակնե-
 րուներքին կողմը կը ծառայէր շատ անդամ
 իբրեւ այգիի բերքերը ծախելու խանութ։ Այն
 դաշտերուն մէջ որոնք հարթ գետին մը ներկա-
 յացնելէ աւելի զառիթափ մը կամ բլուրներ կը
 ներկայացնէին, փոխանակ քարաշէն աշտարակ-
 ներու, բարձունքի մը վրայ կը հաստատէին պարզ
 ապաստան մը, նման այն խրճիթներուն՝ զորո
 հողագործները կը շինէին իրենց դաշտերու
 վարունկն ու սեխերը պահելու համար։ Հունձ-
 քի կամ այգեկութքի եղանակը լրանալուն,
 ամէն տեղ վար կ'առնէին խրճիթածեւ այս պա-
 հակատուները, յաջորդ տարի նորը շինելու
 համար։

Երբ ցանկապատ կամ հասարակ պատ գոյութիւն չունենար, պարտէզին կամ այդիին ամրողջութիւնը՝ ուր ցորեն կամ դարի ցանուած էր, կը շրջապատէին վիգահունտ (vesce, պուրչագ) կոչուած տեսակ մը տունկով, ինչպէս որ Եսայի կը պատմէ (ին. 25), պաշտպանելու համար այսպէս անցորդներու աւերու յափշտակութեանց դէմ արտի գլխաւոր բերքը.— «Անոր (երկրին) Երեսը շտկելին եսիլ» միք արշնդեղը ու չամաճը չի ցաներ, եւ ցորենը կարգով ու գարին որոշուած տեղը եւ հաճարը իր սահմանին մէջ չի դներ։ Այս բոլոր նախազգուշութիւններուն դէմ սակայն կար օրէնքը որ թոյլատու էր այդ ցանկապատին քովէն անցնող անօթի ու աղքատ բոլոր անցորդներուն՝ որոնք արտօնուած էին ձեռքովնին քանի մը հասկ կորզել ու ուտել։— «Երբոր ու դրացիիդ այգին կը մտնես, ու զածիդ չափ խաղող ուտես ու կշանաս, բայց ամանիդ չենես։ Երբոր ու դրացիիդ հունձին մէջը կը մտնես ձեռնովդ հասկերը փրցնես՝ բայց դրացիիդ հունձին մանզադ չզարնես (թ. Օբինաց իգ. 25): Եւ դարձեալ։— «Ան ատենը Յիսուս շաբար օրը գհաց արտերուն մէջէմ, եւ իր աշակերտները անօրեցան, ու սկսան ցորենի հասկեր փրցնել եւ ուտել» (Մատթէոս իթ. I):

Է.

ԵՐԿՐԱԳՈՐԾՈՒԹԵԱՆ ՊԱՏՈՒՀԱՍՆԵՐԸ

Հրեայ երկրագործներու համար ամէնէն
յաճախակի և ամէնէն ահարկու պատուհասներն
էին երաշտութիւնն ու մարախը և եւ արդարեւ
երաշտութիւնը տաք երկիրներու մէջ մահացու
կը դառնար բերքերուն, հողը ա'յնքան միայն
արտադրելով՝ որքան կը թոյլատը էր իր մէջ պա-
հած բնական խոնաւութիւնը։ Ճիշդ է որ
գրեթէ բովանդակ Պաղեստին երկինքէ զատ
ոռոգման ոհեէ այլ միջոց չունէր, երբ անձրե-
չտեղար, կարելի չէր յոյս դնել ոհեէ բերքի վրայ
և ահա չէր ուշանար մահացու սովը ։ Գժբախ-
տաբար Ս. Գրոց մէջ չեն պակսիր սովի նման
գէպքիր ու սրբազան մատեանները կը յիշեն
բազմաթիւ օրինակներ՝ նահապեաներու շրջա-
նէն սկսեալ։ — «... Ու ան երկրին մէջ սով եղաւ,
եւ Արաւ եգիպտոս եկաւ հոն պանդիսանալու հա-
մար. ինչու որ ան երկրին մէջ սովը սաստիկ էր։ Ու
դարձեալ — «Ու երկրին մէջ սով եղաւ, առջի սովին
զո՞ս՝ որ Արահամին օրերը եղեր էր, եւ իսահակ
Գերաւա գնաց Փղշացրց Արիմսլիք բազաւորին։ —
«Եւ իսրայէլին որդիները հոն գացողներուն հետ
պաշտ ծախու առնենու եկան. յանզի Քանանու երկ-
րին մէջ սով կար։ — «Եւ սովը սասկացաւ երկրին
մէջ։ Ու եղաւ որ երբ եգիպտոսին բերած պա-
շտնին կերան հացուցին, հայրերնին ըսաւ անոնց-
գացիք նորէն մեզի իիլ մը ուտելիի ծախու առէ (Ծննդ. մթ. 10: իջ. 1: իթ. 5: իդ. 1, եւայլն)։
Անձրեւի պակասը բնական էր որ առաւել կամ

նուազ չափով վնասակար ըլլար բերքերուն ու
ըստ այնմ ալ եթէ անձրեւը իր եղանակին չտե-
ղար, նոյնքան աւերիչ կ'ըլլար։ Նմանապէս
մարախները ահարկութշնամի մըն էին բերքե-
րուն։ ու երբ պատահէր որ անոնք բանակ մը
կազմէին, արտ մը, այգի մը, ու երբեմն ամ-
բողջ գաւառ մը հիմէն կը փնանային։ — «Թէ
որ երկրի վրայ սով կամ ժանեալս, կամ խորշակահա-
տուրին, կամ արմեաց դալուկ, կամ մարախ կամ
բրուու ըլլայ»։ — «Խառնիճին բողածը մարախը կե-
րաւ ու մարախին բողածը չորեակը կերաւ, ու
չորեակին բողածը գուիճը կերաւ»։ — «... Վասնզի
իմ երկրիս վրայ զօրաւոր ու անքիւ ազգ մը ելաւ,
անոր ակուաները առիւծի ակուաներ են, ու անիկա
մատակ առիւծի ակուաներ ունի, անիկա իմ որս
աւրեց, եւ իմ քղենիս կոսրեց, զանիկա բոլորովին
մերկացուց ու վարձգեց, անոր ուները մերմկցան...»
(Յովելեայ Ա. 6—7)։

Աւերիչ այս երկու պատուհասներուն վրայ,
երաշտութիւն ու մարախ, պէտք է աւելցունել
նաև երրորդ մը, որ նուազ ծանր և նուազ
պատահական էր, բայց որ սակայն շատ վնաս
կը հասցունէր հողամշակութեան։ ասիկա արե-
ւելեան այրող քամին էր, ventus urens,
որ երբայեցերէն լեզուով զածիմ կը կոչուէր, և
որ եգիպտոսի մէջ ծանօթ էր խամսին անունով։
Երբ այս հովը կատաղի կերպով և քիչ երկար
ատեն կը փչէր, կը չորցունէր ցորենի և գարիի
հասկերը և կ'արգիլէր պառող տալէ, տեսակ մը
այրուցք առաջ բերելով, և որ Վուլկաթայի մէջ
ծանօթ էր սրծո անունով — «... Եւ ահա անոնց
ետեւեն եօրը չոր, նիհար ու խորշակահար հասկեր
կը բուսնեին (Ծննդոց ԽԱ. 23)։

Բնական այս բոլոր աղէտներուն դէմ մար-

զուն ուժը անբաւարար էր: Մովսիսական օրինաց
մէջ կը տեսնենք որ Աստուած այս պատուհաս-
ները կիրարկեց, հրաշքի ձեւով, ինչպէս տեսանք,
իր ժողովուրդը պահելու համար հնագանդու-
թեան մէջ: Աստուած խստասիրտները կը պատ-
ժէր սովով երբ կը տեսնէր որ իրեն օրէնքները
կը բռնաբարուէին ու չէին յարգուեր: Ընդհա-
կառակը Եհովան կը վարձատրէր զանոնք առատ
հունձքով՝ երբ իր պատուէրները կատարելապէս
կը գործադրուէին և Մովսիսական կրօնը հաւա-
տարմօրէն կը պաշտուէր.

«Եւ Տէրը յու սերմանած երկրիդ հունտերուն
վրայ անձրեւ:

Ու երկրին արդիւնին հաց պիտի տայ:
Եւ առած ու պարաւ պիտի ըլլայ:
Այն օրը յու իմաշինիդ ընդարձակ արօսի մէջ
պիտի ճարակեն...» (Յսայեայ 1. 23):
«Ռւսի անձրեւները իսպանեցան,
Ու վերջի անձրեւը լեղաւ...»
«... եւ իրենց սրտին մէջ չըսին,
Մեր Տէր Ասուծմէ վախճանի,
Այն որ անձրեւը, առջի ու վերջի անձրեւը,
իր տեսնին կու տայ...»:
«...երկրին վրայ անձրեւ լրջալուն պատճառովը
Գետինը ճարելուն համար՝
Երկրագործները ամցան եւ զլուխնին ծածկե-
ցին (Երեմեայ Գ. 3: Ե. 24: ԻԴ. 4):
«Վասն զի մեծ հ յու ողորմուրինդ մինեւ
երկինը» (Սաղմոս):
Վասն զի դուն մեծ ու հրաշներ գործող ես,
Ասուած մինակ դուն ես...» (Սաղմոս),
«Եսի անձրեւին ժամանակը Տէրոցմէն անձ-
րեւ խնդրեցիք».
Տէրը իմայլակներ պիտի ընկ»:
(Զաքարիա Ժ. 1):

Ը.

ՀՈՂԱԳՈՐԾՈՒԹԻՒՆԸ
ՀԻՆ ԵՒ ՆՈՐ ԿՏԱԿԱՐԱՆԱՑ ՄԷԶ

Հողագործութիւնը երբայեցւոց կեանքին մէջ այսպէս մեծ ու կարեւոր տեղ մը գրաւած, բնական էր որ Ս. Գրոց մէջ ևս ան ունեցած լրական իր արժանի տեղը: Հողատնտեսութեան յատուկ բոլոր այն ծանօթութիւնները զորս տեսանք, երկու կերպով մեզի հասած էին Ս. Գրքէն. ըլլա՛յ ուղղակի կերպով, իբր պատմական տեղեկութիւններ, ըլլայ անուղղակի կերպով՝ ակնարկութեամբ և կամ բաղդատութեամբ: Սրբազն մատենագիրները հողագործութեան շուրջ երբեք խօսած չեն, իբր արհեստ կամ նարտարուես, բայց իրենց գրութիւնները լեցուն են այս նիւթին վրայ ծանօթութիւններով: Անոնք որ այս սրբազն պատմութիւնները խմբագրեցին, մեզի այս ծանօթութիւնները աւանդեցին իբր գէպէք կամ իբր առակ: Գրագէտ վարդապետներն ու մարգարէնները այս պատմուածքներէն հանեցին, անսպառ աղբիւրի մը նման, ահագին թիւով պատկերներ և փոխաբերութիւններ (Ցովսեայ Ժ. 11—13): Որթատունկի մշակումը Եսայի մարգարէի ընծայեց իր ամէնէն գեղեցկատիպ այլաբանութիւններէն մէկուն նիւթը (Եսայի Յ. 1—7: Երեմեայ թ. 21: Եղեկիէլ Ժ. 6 ևն.): Մեր Տէրը Յիսուս Քրիստոս իր խօսած առակներուն մեծագոյն մասը փոխ առաւ հողային աշխատութիւններէն (Մատթէոս Ժ. 3—41: Ղուկաս Ղ. 5—15): Պողոս առաքեալ բացատրելով հողի ծոցին մէջ ցանուած սերմին աճելուն զարմանալի խորհուրդը, սորվեցուց

Կորնթացիներուն մարմնոյ յարութեան վարդապետութիւնը (Ա. Կորնթ, ԺԵ. 36—37): Նոյն առաքեալը ուղելով բազդատել վայրի ձիթենին ի բնէ ազնիւ ձիթենիին հետ, բացատրեց Հոռմայեցիներուն թէ մենք Աստուծոյ կողմէ մշակուած արտ մըն ենք, իր առաքեալներուն ու պաշտօնեաներուն ձեռամբ, ու Տէրը կը տնկէ ու կ'ոռոգէ հաւատքը մեր հոգիներուն մէջ, և դարձեալ մեր Տէրն է որ հոն կ'աճեցնէ և պազարերել կու տայ: Հոս յիշել պէտք էր կարեւոր գլուխները Սաղմոսաց, Առակաց, Սիրաքայ և Մարգարէութեանց գիրքեր, ցոյց տալու համար բոլոր այն գլխաւոր պատկերները, զորս իրենց հայթայթեցին երկրագործական կեանքը, աշխատանքն ու արտադրութիւնները: Կը բաւէ միայն յիշել այն նկարը՝ զոր Սիրաք մեր առջե կը պատկերէ իրը իմաստութեան օրինակ, բաղդատելով մարդկային իմաստութիւնը ծառի մը: որ կ'արձակէ խոր արմատներ (ԻԴ. 17—23), իմաստութիւն՝ որ գեղեցիկ է ամենագեղ ծառերուն նման, անուշահոտ՝ ամէնէն հոտաւէտ խունկերուն նման, ու պազարեր՝ ամէնէն պարարտ որթատունկին նման (Սիրաք ԻԴ. 17—23): Հովուական կեանքն ալ, անբաժան բռւն հողագործական կեանքէն, սրբազան մատենագիրներուն նուազ նիւթ հայթայթած չէ (Սաղմոս ԻԲ. 1—4: Եղեկիէլ ԼԴ. եւն):



ԵՐԱԽԱՅՑՐԻՔ

ՊԱՏՄԱԿԱՆԸ.—Հին Ռւխտի պատմութեան
մէջ երախայրիք (prémitces) ունի իր մասնաւոր նը-
շանակութիւնը: Ինչպէս որ ամէն արու նորածին
կը նուիրուէր Աստուծոյ, այնպէս ալ կենդան-
եաց անդրանիկ արուները կ'ընծայուէին Տիրոջ:
Պարագան նոյնն էր նաեւ հողէն արտադրուած
ամէն նախապտուղի համար: Պտուղներու նախա-
խայրիքը երկու տեսակ էր հնութեան մէջ. այս-
պէս կար երախայրիք բնական պտուղներու, կար
նաեւ երախայրիք պատրաստուած պտուղներու:
Ս. Գրոց մէջ շատ յստակօրէն բացատրուած ու
սահմանադրուած է բնական պտուղներու
երախայրիքը: «Քու երկրիդ առջի երախայրի-
ները քու Տէր Աստուծոյդ տունը տանիս» (Ելից
իջ. 19 և լի. 26 և դարձեալ՝ երկրորդ Օրինաց
իջ. 10):

Աստուածաշունչի Օրինաց մատեանին մէջ
գրուած է թէ ինչպէս իսրայէլացիք պիտի ըն-
ծայեն իրենց երախայրիքը: Աւետեաց երկրին
մէջ բնակող ամէն Հրեայ պիտի առնէ ամէն
պտուղի երախայրիքը. զանոնք պիտի դնէ կո-
ղովի մը մէջ և պիտի երթայ Տիրոջ կողմէ նշա-
նակուած վայրը և պիտի ներկայանայ քահանա-
յին, որուն պիտի ըսէ: «Ես այսօր քու Տէր
Աստուծոյդ առջե կը խոստովանիմ՝ որ մտած եմ
ա'յն երկիքը՝ զոր Տէրը մեր հայրերուն խոստացեր
էր մեզի տալ»: Քահանան պիտի առնէ կողովը և
զայն պիտի դնէ Տաճարի սեղանին առջեւ: իսրայէ-
լացի ընծայաբերը ապա պիտի արտասանէ
աղօթքի բանաձեւ մը, յիշեցնող այն բուորը՝

դորս Աստուած ըրաւ իր հայրերուն համար և
հետեւեալ խօսքերով պիտի աւարտէ իր ազօթ-
քը.— «Ահա քեզի կը մատուցանեմ, ո՞վ Եհովա,
երախայրիները բերքերուն ա՛յն հողին, զոր ին-
ձի պարգեւեցիր»։ Ապա նուիրաբերը կ'սկսի
ուրախանալ իր քովը գտնուող Ղեւտացիին և
օտարականին հետ (Բ. Օրինաց Իջ. 1—11)։ Օրի-
նաց շատ մը վարդապետներ պահ մը այնպէս
ենթագրեցին որ երախայրիքը այն ժամանակ
միայն պարտագրուեցաւ երբ Տաճարը չինուե-
ցաւ, համաձայն Ս. Գրոց այն համարին՝ որ կ'ըսէ։
— «Քու երկրիդ երախայրիները քու Տէր Աս-
տուծոյդ տառնը» տանիս»։ Բայց այս հաւաս-
տումը ընդունելի չէ, վասն զի Վկայութեան
խորանն ալ ինքնին յաճախ կոչուած է «Աստու-
ծոյ Տուն» (Ելից իդ. 19, Յեսուայ Զ. 24։ Ա.
Թագաւորաց Ա. 7 և 24 եւն.)։ Թէև Հին Ուխտի
օրինաց մէջ պատուիրուած է որ ամէն պտուղի
երախայրիքը ընծայուի Աստուծոյ, բայց նշանակ-
ուած եօթը պտուղներունը միայն պարտաւորիչ
եղած է, իբր ամէնէն յատկանշական պտուղնե-
րը Պաղեստինի. այսպէս ցորեն, գարի, խաղող,
թուզ, նուռ, ծիթապտուղ և մեղք (Բ. Օրինաց Բ.
8)։ Երախայրիքը մատուցանելու համար օրինա-
դրուած երկիրը միայն իսրայէլի երկիրն էր,
որուն վրայ աւելցան սակայն Սեհոնի հին հո-
գամասերը (Բ. Օրինաց Բ. 32—37։ Գ. 8—10) և
աւելի յետոյ Սուրիոյ ա՛յն մասը՝ զոր Դաւիթ
գրաւեց, ինչպէս նաև Փոքր Ասիա։

Իրը երախայրիք մատուցուած պտուղները
պարտէին ընտրելագոյնը ըլլաւ, բոլորովին թարմ,
ի բաց առեալ խաղողն ու թուզը՝ որոնք կընա-
յին չոր վիճակով ալ մատուցուիլ՝ երբ հեռու եր-

զիրներէ կը բերուէին։ Երախայրիքի քանակը որոշուած չէր ու կարելի էր ամբողջ արտի մը կամ պարտէզի մը լման բերքը իրը երախայրիք ընծայել։

Երախայրիները մաս կը կազմէին վեց կամ տասը տեսակներու, որոնց քանակը սակայն 0րինաց մէջ նշանակուած չէր. բայց 0րինաց վարդապետները որոշած էին որ ընծան պտուղի ամբողջ բերքին գէթ մէկ վաթսուներորդը կազմէր։ Հրէական լեզուի մէջ տոնէ (կողով) բառը, որուն երեք գիրերը կը ներկայացնեն 9.50 և 1 թիւերը, գումար 60, կը ծառայէր յիշեցնելու այս կանոնը։ Երբ նախախայրիք կազմող պտուղները կամ ծառէն կը փրցունէին հասուննալէ առաջ քաղելով այն ճիւղերէն միայն՝ որոնց վրայ նախապէտ նշան դրուած էր, և կամ բերքը հասուննալէ յետոյ, պայմանաւ որ սակայն երախայրիները (պիքքուրիմ) մէկ կողմ դրուած ըլլային, որոշ ժամանակներու մէջ իրը տուրք ծառայելիք բուլոր ուրիշ բերքերէն։ 0րէնք էր նաև որ նեխած կամ գողցուած ամէն երախայրիք փոխարինուած ըլլար նորերով։ Երբ Տաճարի շինութիւնը լրացաւ, անոր ընծայուելիք բոլոր երախայրիքը Երուսաղէմ կը բերուէին, բայց ո՛չ Պենտեկոստէի տօնէն յառաջ (Ելից իդ. 16: Ղեւտացւոց՝ իդ. 17) և ո՛չ ալ նաւակատեաց տօնէն յետոյ, զի ուշ հասունցած պտուղները ունէ արժէք չէին ներկայացներ այլեւս։

Ժամանակի ընթացքին, երախայրիներու ընծայման եղանակը կանոնադրուցաւ իր բոլոր մանրամասնութիւններովը։ Պտուղները կը դըրուէին ոսկեզօծ կամ արծաթապատ և կամ ուռենիի փայտէ շինուած կողովներու մէջ։ Եթէ

ուզուէր որ բոլոր պտուղներն ալ միւնոյն կո-
ղովին մէջ դրուած ըլլային, ամէնէն տակը կը
զնէին գարին, ապա ցորենը, ապա ձիթապտու-
ղը, վրան մեղրը, նուռը, թուզը և ամէնուն
վրան խաղողը: Ընդհանրապէս պտղալի այս կո-
ղովիներուն կը կապէին տատրակներ կամ աղաւ-
նիներ, որոնք կը ծառայէին ողջակիզման իրը
ընծայ: Այսպէս կարգաւորուած կողովը Երուսա-
ղէմ կը բերուէր ընծայն մատուցանովին, կամ անձնապէս և կամ ասոր մէկ ներկայացուցչին
ձեռքով: Ճամբորդութիւնը տեղի կ'ունենար մեծ
հանդիսաւորութեամբ: Շատ մը վայրերու ընծա-
յաբերները, ժամադրութեամբ, տեղ մը կը հա-
ւաքուէին: Խումբին պետը կ'սկսէր աղաղակել
երեմեայի (լ.լ. 6) և Միքեայի խօսքերը (Մար-
գարէութիւն Միքեայ Դ. 2) . —

«Ելէ՛ք ու մեր Տէր Աստուծոյն
գէպի Սիոն ելլենք:
Քանզի Տէրը այսպէս կ'ըսէ.
Ցակորին համար ուրախութեամբ երգեցէք,
Եւ ազգաց գլուխին համար ցնծացէք.
Զայն տուէք, օրհնեցէք ու ըսէք.
Ո՞վ Տէր, քու ժողովուրդ՝
իրայէլին մնացորդը փրկէ...»:

Եւ դարձեալ՝

«Եկէք Եհովային լեռը՝
Ցակորին Աստուծոյն տունը ելլենք,
Որ մեզի իր ճամբաները սորվեցնէ,
Ու անոր շաւիդներուն մէջը քալինք,
Ինչու որ օրէնքը՝ Սիոնէն՝
Ու Տէրոջը խօսքը Երուսաղէմէն պիտի ել-
է...»:

Ու՝ թափօրը այսպէս ճամբայ կ'ելլէր, ոսկեզօծ
և ձիթենիի ճիւղերով զարդարուած եղջիւրնե-
րով. եզան մը հետ, որինկ ածող մարդու մը
առաջնորդութեամբ։ Ճանապարհին, բոլոր ու-
ղեւորները միահամուռ կերպով կ'երգէին ու
կը կրկնէին Սաղմոս 122րդ գլուխի առաջին
համարները։

«Կ'ուրախանայի երբոր ինձի կ'ըսէին.

Տէրոջը տունը երթանք.

Մեր ստքերը քու դռներուդ մէջը կայ-
նեցան...»։

Ու երբ կը մօտենային Երուսաղէմի, Տաճարին
գլխաւոր պաշտօնատարները կու գային զիրենք
դիմաւորելու, ուրախութեամբ ընդունելով
պտղաբերները։ Տաճար մտնելնուն պէս, իւրա-
քանչիւրը, նոյնիսկ եթէ ան թագաւոր մը ըլ-
լար, պարտաւոր էր ընծաներով ծանրաբեռն
իր կողովը ուսերուն վրայ վերցունել և զայն
տանիլ Տաճարին ներսը ցոյց տրուած վայրը,
երգելով Սաղմոսի 130րդ աստիճանը։

«Խորունկ տեղերէն քեզի կանչեցի, ով Տէ՛ր,

Ով Տէր, իմ ձայնս լսէ...»

որուն Ղեւտացիք կը պատասխանէին Սաղմոսի
29րդ աստիճաններով։

«Տէրոջը տուէք, ո'վ հզօրաց որդիք,

Տէրոջը տուէք փառք ու զօրութիւն...»։

Տաճարի քահանայից յատուկ եղող գաւիթին
մէջ ընծայաբերը, քահանայի մը օգնութեամբ
վար կ'իջեցնէր իր կողովը ու զայն կը շարժէր,
արտասանելով երկրորդ Օրինաց հԶ. Յ—10 հա-
մարները։

«Ես այսօր քու Տէր Աստուծոյդ առջեւ կը
խստովանիմ որ ես մտայ այն երկիրը, որուն

համար Տէրը մեր հայրերուն երդում ըրեր էր
մեղի տալու, Ետքը քահանան կողովը քու ձեռ-
քէդ առնելով՝ զանիկա քու Տէր Աստուծոյդ
սեղանին առջեւը պիտի զնէ...»։ Այս բանաձե-
ւը սակայն պարտաւորիչ չէր ո՛չ կիներուն, ո՛չ
խնամակալներուն, ո՛չ գերիներուն և ոչ ա
անոնց համար՝ որոնք իրենց երախայրիները կը
բերէին ծաղաւարահարաց տօներէն յետոյ, կո-
ղովը տարուած էր արդէն սեղանին մօտ,
առանց սակայն կարենալ սեղանին վրայ զնե-
լու, որովհետեւ կրնար պատահիլ որ մէջը խմոր
կամ մեղք գտնուած ըլլար։ — «Հացի ընծան՝
որ դուք Տէրոջը պիտի մատուցանէք, բնաւ
խմորեալ պիտի չշինուի։ Ինչու որ պատարագի
համար ամենեւին խմոր կամ մեղք պիտի չայ-
րէք Տէրոջը (Ղեւտացւոց Բ. 11 և 12)։ ու ապա
ընծան՝ մատուցուած ըլլար։ Եթէ կողովը մե-
տաղեայ էր, արծաթազօծ կամ ոսկեզօծ, ինչպէս
կանինեցինք ըսել, քահանան զայն կը վերա-
դարձունէր երախայրիքը բերող հսրայէլացւոյն։
Քահանայք իրենց կը պահէին միայն ուռենիէ
կամ կնիւներէ հիւսուած կողովները։ Ընծան
մատուցանելէ յետոյ, այսպէս, հսրայէլացին
պարտաւոր էր այդ գիշերը Երուսաղէմ անցու-
նել, ու կը մեկնէր յաջորդ օրուան առաւօտուն
միայն։ Երախայրիքը կը պատկանէր քահանա-
ներուն, ինչ որ կը բացատրուի այն փոյթովը՝
որով անոնք ընդառած կը վագէին ընծայաբեր-
ներուն։ Քահանայք երբ շարաթական սպասա-
ւորութեան մէջ գտնուէին, իրենց մէջ կը բաժ-
նէին ընծաները, զորս կ'ուտէին Երուսաղէմի
մէջ իսկ թէ՛ իրենք, թէ իրենց կիները, թէ
իրենց գերիները, ու կու տային նաև իրենց
անասուններուն, ի ներկայութեան այն ընծա-

յաբերներուն, որոնք քաղաքը մնալու հարկադրուած էին, իբենց զանազան պատուղները Տիրոջ մատուցանելու առթիւ:

Օրէնքը արտօնած էր նաեւ որ բնական վճակով թարմ պատուղներու երախայրիքէն զատ, քահանաներուն բերէին նաեւ պատուղներէն հանուած բերքեր, գլխաւորաբար նաշիհ, նոր հանուած զինի, ձիթախւղ, նոյն իսկ ոչխարէն խուզուած բուրգը, և առ հասարակ հողէն ու ծառէն հանուած ամէն տեսակի բերք.— «Բու արմբափներուդ ու հեղանիւթներուդ երախայրիները մի ուշացներ... քու եղիդ ու ոչխարիդ ալ ասանկ պիտի ընես...» (Ելից. իթ. 29): «Եւ Տէրը խօսեցաւ Մովսէսին ըսելով. խօսէ՛ հսրայէլի որդւոցը ու ըսէ անոնց. երբոր այն երկիրը մտնէք, ուր որ ձեզ պիտի տանիմ, և ըլլայ որ երբ ան երկրին հացէն ուտէք, բարձրացնելու ընծայ մատուցանէք Տէրոջը...» (Թուոց. ժե. 17): Այս հարկը ամէն տարի հսրայէլացիներու կողմէ կանոնաւորաբար պիտի հատուցուէք քահանայից, ո՛չ միայն Պաղեստինի մէջ, այլ նաեւ՝ յետ գերութեան՝ Բաբելոնի, Եգիպտոսի, Ամմանի երկրին, Մովսէսի երկրին, ինչպէս նաեւ Սուրբիոյ մէջ։ Սակայն և այնպէս այսօտար երկրներուն երախայրիները Սուրբ երկիր պիտի չմտնէին։ Ոչխարի գեղմի երախայրիքը Տովբիթ հաւատարմօրէն ընծայած էր Աստու ծոյ։ Տովբիթ, նեփթաղէմի ցեղէն Հրեայ մը, Նինուէի իր գերութենէն յառաջ, կանոնաւորաբար երուսաղէմի Տաճարը կը մտնէր և անոր կ'ընծայէր իր նախախայրիքն ու ոչխարէն խուզուած բուրգը։ Ալեւրի, ինչպէս նաեւ իբր երախայրիք ընդունուած միւս սննդեղէնները, առարկայ կը հանդիսանային ա՛յն մասնաւոր պատուէրներուն՝

որոնք կը գտնուէին Միշնայի Շալլա անուան
տակ ձանօթ ճառերուն մէջ։ Ա. Պօղոս առաքեալ
ասոր կ'ակնարկէ երբ կ'ըսէ։ — Արդ թէ որ երա-
խայրին սուրբ է, նաև զանդուածը, և թէ որ
արմատը սուրբ է, ուրեմն ճիւղերն ալ (Հռոմա-
յացւոց ԺԱ. 16)։ Բերքային երախայրիքի մատուց-
ման կանոնին ենթարկուած էին ցորենը, գա-
րին, հօնը (épreautre), վարսակը և հաճարը,
որոնք ալիւր վիճակով չէ որ կը մատուցուէին՝
այլ խմոր կամ բոլորովին եփուած հացի վի-
ճակով։ Մատուցուելիք այս տեսակի բերքային
երախայրիքին քանակը որոշուած չէր։ Եղե-
կիէլ (ԽԵ. 13—14) այնպէս կ'անթաղրէ որ ցորե-
նի և գարիի համար մէկ վաթսուներորդ հարկ
է տալ, իսկ ձիթախւղին համար՝ մէկ հարիւրե-
րորդը։ Ընդհանրապէս մէկ յիսուներորդ բաժին
ըլլալով կը գնահատուէր։ Հիլլէլի աշակերտնե-
րը մէկ քառասներորդ ըլլալով կ'ընդունէին. իսկ
համմայիի աշակերտները կարծիքով մէկ
երեսներորդը բաւական էր։ Նուազ վեհանձները
կը գոհանային մէկ վաթսուներորդով։ Հացին
համար մասնաւորներէն իրը երախայրիք կ'առ-
նուէր 1/24րդը, իսկ հացադորներէն կ'առնուէր
1/48րդը։ Ս. Հերոնիմոս կ'ըսէ որ, ըստ հրէական
աւանդութեան, բերքային երախայրիքը կ'առ-
նուէր մէկ քառասներորդին և մէկ վաթսունե-
րորդին միջեւ գտնուած քանակութեամբ մը։

Այս երախայրիներուն գործածութիւնը
կանոնադրուած չէր։ Ամէն մարդ ազատ էր զայն
իր ուղած քահանային ընծայելու, որով այս
երախայրիները կրօնական նկարաբագիր մը չու-
նէին, ինչպէս էին առաջին տեսակ թարմ
պտուղներու երախայրիները, այն ձեւով որ տե-
սանք, և որոնք անպայման տաճարին ընծայ կը

բերուէին. ասոնք պարզապէս հարկեր էին, քահանայական դասուն յատուկ: Այն ազատութիւնը զոր ի գործ կը զբուէր իւրաքանչիւրին կողմէ իր ուզած ձեւովը բաժնելու զանոնք, ուրիշ նպատակ չունէր եթէ ոչ օգնելու քահանայից, որպէս զի անոնք զրկուած չմնալով իրենց առուստէն և կեանքի հոդ չունենալով, ամէնուն հաճելի և սիրելի դառնային և ծառայառէր բոլորին հանգէպ: Եղեկիայի քահանայապետութեան օրով, թարմ գինուոյ և ձիթափեղի առատ երախայրիներ, ուրիշ շատ մը ընծաներուն հետ, երուսաղէմի ընակիչներուն կողմէ քահանաներուն և Ղեւտացիներուն կը մատուցուէին, որպէս զի այս վերջինները ուժգին և եռանդուն կերպով կապուէին Եհովայի օրէնքներուն, այսինքն Տաճարի ծառայութեան: Յետ գերութեան, իսրայէլացիք շարունակեցին Տաճար բերելու ալիւրի, գինիի և ձիթափեղի իրենց երախայրիքը, բայց ասիկա ա՛յն նպատակով որ արդէն քիչ թիւ մը կազմող քահանաները կապուած մնային Տաճարին և մշտապէս Աստուծոյ տանը մէջ ընակէին: Առ հասարակ, ուր որ քահանայ կը գտնուէր, հոն անպայման կը գանձուէր այս տուրքը երախայրիներու, զորս ուտել պարտ էին միայն Ս. երկրի մէջ, մաքուր ու անարատ վիճակի մէջ, ու պիտի ուտէին քահանայք և ասոնց տան բոլոր ընակիչները, որոնք կրնային գոհացնել վերի պայմանները, (Թուոց Ժ. 11) ինչպէս իրենց կիները, իրենց տղաքը և իրենց գերիները: Նոյնիսկ քահանայից անասունները կրնային ուտել այս երախայրիներէն: Պարզ իսրայէլացւոյ մը հետ ամուսնացած քահանային աղջիկը իր հօրենական տանը բնակիչներէն աւելի չափով պիտի չուտէ: Օժաւ-

բական մը իրաւունք չունէր այս սուրբ երախայրիքէն ուտելու քահանային հետը և կամ վարձկանը սուրբ բանէ պիտի չուտէր։ Բայց քահանային իր ստակովը ծախու առած անձը ու իր տունը ծնածը անկէ պիտի ուտէր ու ասոնք անոր կերակուրէն պիտի ուտէին։ Թէ որ քահանային աղջիկը օտարականի մը հետ ամուսնանար, անիկա նուրիռուած սուրբ երախայրիքէն պիտի չուտէր։ Բայց թէ որ քահանային աղջիկը որբեւայրի կամ արձակուած ըւլայ ու զաւակ չունենայ, այն ատեն իր աղջիկնութեան ժամանակին ուկս՝ իր հօրը հացէն պիտի ուտէ, պայմանաւոր որ օտարական մը բնաւ անկէ չուտէ (Ղեւտացոց իթ. 10—13), իսրայէլացի համեստ դասակարգի աղջիկ մը, որ քահանայի մը հետ ամուսնացած էր, կրնար երախայրիքէն ուտել, ինչպէս նաեւ իր տան բոլոր անդամները, որքան ատեն որ ամուսին քահանան ողջ էր։

Իսրայէլի ամբողջ պատմութեան մէջ երախայրիքի ընծայումը միշտ խնդրոյ առարկայ եղած է։ Այսպէս, Գեղրուէի լեռները անիծելու համար, Դաւիթ կը մաղթէ որ երախայրիք տալու արժանի ո՛չ մէկ դաշտ ունենայ, այսինքն երաշտութենէ զարնուած ըլլայ։ — «Ո՞վ Գեղրուէի լեռներ, Ճեր վրայ ո՛չ ցող դայ և ոչ անձրեւ, ու երախայրի ընծաներու անդաստաններ չգըտնուին» (Բ. Թագաւորաց Ա. 21)։ «Բահազսաղիսայէն մարդ մը եկաւ, ու Աստուծոյ մարդուն երախայրիներէ շինուած հացեր՝ քսան հատ գարեղէն հաց ու թարմ հասկեր բերաւ իր՝ պարկովը։ Եւ անիկա ըսաւ։ Ժողովուրդին տուր որ ուտեն։ Եւ անոր ծառան ըսաւ։ Աս ի՞նչ է որ հարիւր մարդոց առջեւը դնեմ։ Բայց անիկա ըսաւ։ — Ժողո-

վուրդին առւր որ ուտեն, քանզի Տէրը այսպէս
կ'ըսէ: Պիտի ուտեն ու պիտի աւելնայ: Եւ
անոնց առջեւը գրաւ, ու կերան, և Տէրոջը ըսա-
ծին պէս աւելցաւ» (Դ. Թագաւորաց Դ. 42): Նը-
ման ընծաներ միայն քահանայից կը արօւէին,
և հսրայէլի թագաւորութեան մէջ այս զբութիւ-
նը ամէնէն օրինականն էր ու Եղիսէի եղած ըն-
ծան ապացոյց էր ընծայաբերին առատաձեռնու-
թեան (Դ. Թագաւորաց ԺԴ. 33): Եղեկիա նուի-
րագործեց առատ երախայրիքի ընծայաբերումը,
երբ կարգի կը դնէր քահանաներուն ու Ղեւ-
տացիներուն դասակարգութիւնները, ու կը հո-
գար անոնց գործքն ու ապրուստը (Բ. Մնացոր-
դաց ԼԱ. 4—10): Եղեկիա հրամայած էր որ ամէն
ոք Աստուծոյ պատիւ ընծայէ, Անոր մատուցա-
նելով իր բերքերուն երախայրիքը, յիշեցնելով
որ անոնք Տիրոջ կը պատկանէին և թէ ամէն
բերքի առաջին պտուղները քահանայից համար
էին: Բարելոնի գերիները կը տրանշէին որ այլ-
եւս չկար իրենց Տաճարը՝ ուր կարենային իրենց
նախախայրիքը Աստուծոյ մատուցանել: Գերու-
թենէն վերջ այս սովորութիւնը վերահաստատ-
ուեցաւ, ու մեծ թափով շարունակուեցաւ մին-
չեւ առաքելական շրջանը, ինչպէս որ կը վկա-
յին այդ գարուն գրուած բազմաթիւ ջատագո-
վականներ (Bikkurim) և (Terumoth): Երախայ-
րիքի երկու ընծայումներ մասնաւոր հանդիսու-
թիւններով կը կատարուէին. մին գարիի երա-
խայրիքի մատուցումն էր (Ղեւտացւոց: հԴ. 10,
11) որ տեղի կ'ունենար Պասէքի տօնին, իսկ
միւսը նաշինի և երկու հացերումնը (Ելից՝ ԼԴ. 22.
Ղեւտացւոց՝ հԴ. 17) որ տեղի կ'ունենար Պեն-
տեկոստէին:

ԵՐԱԽԱՑՐԻՔԻ ՆՇԱՆԱԿՈՒԹԻՒՆԸ. — Աստուծմէ սահմանուած ու հրամայուած երախայրիքի մատուցումը, իր կարգին կը կազմէր երախտագիտութեան, հնազանդութեան և պաղատանքի գործք (acte) մը: Կատարելով այս պարտականութիւնը, իսրայէլացին կը գաւանէր ճանչցած ըլլալ Եհովային մէջ ստեղծէիչը, ամէն բանի բնութեան տէրը և արդար բաշխողը ամէն ինչքի: Հրեան կը հնազանդէր իր Աստուծոյն, զոհելով առաջին և լաւագոյն մասը, զոր տիրացած էր Անոր առատաձեռնութենէն: Ասկէ զատ Աստուծած հաշտ աչքով նայած կ'ըլլար ընծայարերին ու կ'ապահովէր նոյնուկս ապագային միեւնոյն բարիքները: Ու այս սովորութիւնը միայն Հրէից յատուկ չէր. հին բազմաթիւ ազգեր սովորութիւն ունէին, ու այս շատ բնականօրէն, իրենց աստուածութեանց նուիրել երկրի պատգնիրուն նախախայրիքը, ինչպէս որ կը վկայեն Հոմերոս, Թէոդրիոս, Արիստափան, Օվիտիոս, Պաւսանիաս, Պորֆիրը, Դիոգուլ, Պլինիոս եւն. : Եգիպտոսի մէջ, հացի, ըմպելեաց, զոհերու մէկ չորրորդը. նոյնիսկ հողը իր բոլոր պարունակութեամբ, չաստուածներուն կ'ընծայուէին, անոնց հաճելի երեւնալու համար, ինչպէս էր նաեւ ուրախացընելու համար քուրմերը: (Maspero, Histoire Ancienne des Peuples de l'Orient, 1895, էջ 303):

ԵՐԱԽԱՑՐԻՔԻ ՑԱՏԿԱՅԻՄԸ. — Հրէից մէջ նախախայրիքին մէկ մասը կը յատկացուէր քահանայից, մէկ մասն ալ՝ Ղեւտացիներուն: Ճիշդ ու արդար պիտի ըլլար որ ինքզինքնին Աստուծոյ ծառայութեան նուիրողներ՝ ժողովուրդէն ստանային իրենց ապրուստին ամէնէն անհրաժեշտ տարբերը: Ասով կը բացատրուէր Աստուծոյ գերագոյն իրաւունքը. Աստուած որ Քանա-

Նու արգաւանդ երկիրը Երբայեցւոց տրամադրած
 էր, հրամայուած էր որ նոյն երկրին բերքերուն
 մէկ մասը անոնց տրամադրուէր՝ որ իրեն պիտի
 ձառայէին: Քահանայից և Ղեւտացիներուն տրա-
 մադրուելիք երախայրիներուն վրայ կ'աւելնար
 նաև տասանորդը: Պատերազմական աւարի մէկ
 հարիւրերորդին մէկ մասը կը յատկացուէր քա-
 հանայապետին, իսկ մէկ յիսուներորդը՝ Ղեւ-
 տացիներուն: Ասոնց վրայ կ'աւելնար նոյնպէս
 կարեւոր մէկ մասը ողջակէզներուն: Բերքային
 երախայրիքի մէջ կ'անցնէին նոյնպէս ուխտի
 (νοει), իր առչի վիճակի մէջ վերահաստատման
 (restitution), առուգանքի (amende), փրկանքի
 (rachat) յատուկ ինչքեր կամ դրամ: Մասնաւոր-
 ներու ուխտին համար մորթուած բոլոր անաս-
 նոց աջ ուսի, առամոքոի և կզակի մատուցաւմը
 նոյնպէս կը մտնէր նախախայրիներու ցանկին
 մէջ, իւր հարկ Այսպէս ուրիմն, քահանայից և
 Ղեւտացիներու կեանքը ապահովուած էր բա-
 ւարարապէս լայն պայմաններու մէջ, բայց որ
 չէր օգներ մեծ հարստութիւն մը դիզելու,
 ինչպէս կ'ըլլար հին այլ ազգաց քրմական դա-
 սակարգին մէջ (Հերոգոտոս, Դիոգորոս Սիկիլ-
 իացի եւն.):

ԵՐԱԽԱՅՐԻՔԸ ՓՈԽԱԲԵՐՈՒԹԵԱՄԲ ԱՌՆՈՒԱԾ,
 — Յոյց տալու համար՝ որ իսրայէլի ժողովուր-
 դը առանձնաբար կը պատկանէր Աստուծոյ, և
 թէ Աստուած ըստ այնմ կը պաշտպանէր իր
 ժողովուրդը, երեմիա մարգարէ (Բ. 3) հետեւեալ
 կերպով կ'արտայայտուի.

«Իսրայէլ Տէրոջը սուրբ էր,
 Անոր արմտեացը երախայրին էր,
 Ամէն անոնք որ զանիկա կ'ուտէին,

ՏԱՍԱՆՈՐԴԻ

ՏԱՍԱՆՈՐԴԻ ԾԱԳՈՒՄԸ.— Տասանորդը հռչ
պի ամէն տեսակի բերքերուն տասնէն միայն
մէկ մասը կը կազմէր։ Կաթնտու ամէն տեսակ
կենդանիներէ ինչպէս նաեւ ունէ եկամուտէ
նոյնպէս տասանորդ կ'առնուէր։

Հին բազմաթիւ ազգերու մէջ կը հաստատ-
ուի հողային բոլոր բերքերուն մէկ տասներորդին
վերցուիլը և ասոր աստուածային պաշտամուն-
քի սահմանուիլը։ Այս տասանորդը անցեալին
մէջ ամէն տեղ յատկացուած է աստուածային
պաշտամունքի ներկայացուցիչներուն կամ անոր
ծառայողներուն։ ասոնք կ'ըլլային իշխաններ
կամ քուրմեր։ Եգիպտոսի մէջ, իշխանին վճար-
ուած հողային տուրքը հողի խամ բերքին մէկ
տասներորդին կը հասնէր։ Պարագան միեւնոյնն
էր նաեւ Պտղոմեաններու շրջանին և շատ հա-
ւանականօրէն առաջին Փարաւոններու ժամա-
նակ, ինչպէս յայտնի կ'իրեւայ հին շատ մը ար-
ձանագրութիւններէ։ Երբ Յովսէփ Գեղեցիկ Փա-
րաւոնին իմացուց որ առատութեան եօթը տա-
րիներուն պիտի յաջորդէին սովի եօթը տարի-
ներ, կը յանձնաբարէ հաւաքել առատութեան
առաջին եօթը տարիներու շրջանին հողի բեր-
քերուն մէկ հինգերորդը, այսինքն կրկին տա-
սանորդ՝ իբր նախատեսութիւն յաջորդ շրջանին՝
երբ կարելի պիտի չըլլար օրինական տասանոր-
դը ամբարել պետական շտեմարաններուն մէջ։—
«Թող Փարաւոն այսպէս ընէ ու երկրին վրայ
գործակալներ զնէ, ու Եգիպտոսի երկրին արմը-
տիքներէն առատութեան եօթը տարիներուն
մէջ հինգէն մէկը առնէ։ Եւ գալիք յաջող տաւ

ՏԱՍԱՆՈՐԴԻ

ՏԱՍԱՆՈՐԴԻ ԾԱԳՈՒՄԸ. — Տասանորդը հուղի ամէն տեսակի բերքերուն տասնէն միայն մէկ մասը կը կազմէր։ Կաթնուու ամէն տեսակ կենդանիներէ ինչպէս նաեւ ունէ եկամուտէ նոյնպէս տասանորդ կ'առնուէր»

Հին բազմաթիւ ազգերու մէջ կը հաստատաւ ուի հողային բոլոր բերքերուն մէկ տասներորդին վերցուիլը և ասոր աստուածային պաշտամունքի սահմանուիլը։ Այս տասանորդը անցեալին մէջ ամէն տեղ յատկացուած է աստուածային պաշտամունքի ներկայացուցիչներուն կամ անոր ծառայողներուն։ ասոնք կ'ըլլային իշխաններ կամ քուրմեր։ Եգիպտոսի մէջ, իշխանին վճարուած հողային տուրքը հողի խամ բերքին մէկ տասներորդին կը հանէր։ Պարագան միեւնոյնն էր նաեւ Պտղոմեաններու ըրջանին և շատ հաւանականօրէն առաջին Փարաւուններու ժամանակ, ինչպէս յայտնի կ'երեւայ հին շատ մը արձանագրութիւններէ։ Երբ Յովսէփ Գեղեցիկ Փարաւունին իմացուց որ առատութեան եօթը տարիներուն պիտի յաջորդէին սովի եօթը տարիներ, կը յանձնարարէ հաւաքել առատութեան առաջին եօթը տարիներու ըրջանին հողի բերքերուն մէկ հինգերորդը, այսինքն կըկին տասնորդ՝ իրը նախատեսութիւն յաջորդ շրջանին՝ երբ կարելի պիտի չըլլար օրինական տասանորդը ամբարել պետական շտեմարաններուն մէջ։ Շթող Փարաւուն այսպէս ընէ ու երկրին վրայ գործակալներ զնէ, ու Եգիպտոսի երկրին արմըշտիքներէն առատութեան եօթը տարիներուն մէջ հինգէն մէկը առնէ։ Եւ գալիք յաջող տա-

րիներուն բոլոր պաշարը ժողվեն ու ֆարաւունին ձեռքին տակը ցորեն դիզեն և քաղաքներու մէջ պաշար պահեն։ Ու Եգիպտոսի երկրին մէջ գալիք եօթը տարուան սովորն զէմ այս պաշարը երկրին համար պահուի, որ երկիրը սովորն չկորսուի (Ծննդ. ԽԱ. 34—36)։ Արբահամ որ Քաղղէստանէն կու գար բարձրեալն Աստուծոյ քահանայ եղող Մելքիսեդեկին տասանորդ տուաւ իր բոլոր ստացուածքներէն (Ծննդ. ԻԴ. 20)։ Յակոբ Նահապետ Աստուծոյ խոստացաւ իրմէն իր բոլոր ստանալիքներուն տասանորդը (Ծննդ. ԻԸ. 22)։ Իրը տուրք տասանորդ տրուիլը Սուրբոյ հին ազգաց մէջ եւս գոյութիւն ունէր (Ա. Թագաւորաց Ը. 15)։ Հերոդոտոս, Դիոգորոս Սիկիլիացի, Պլուտարքոս, Պաւսանիաս, Մաքրովը, Յուստինիանոս, Բոլիպոլոս, Կիկերոն և Պլինիոս իրենց պատմութեանց մէջ կը վկայեն որ Յոյներն ու Հռովմայեցիներն ալ տասանորդ վճարելու սովորութիւն ունէին, ըլլա՛յ իրը քաղաքային տուրք, ըլլայ մանաւանդ չաստուածներու վճարուած հարկ։ Սելեւկեաններն ալ նոյնպէս տասանորդ կը վճարէին (Ա. Մակարայեցւոց ԺԱ. 35)։ և կեսար արտօնեց Յովհան Հիւրկանոսը և ասոր տղաքը Հրեաներէն գանձելու օրինական տասանորդը։ Ո՞չ մէկ կասկած խորհելու որ հօղային բերքերու և այլ ստացուածքներու տասանորդ անուան տակ տրուած այս նուէրը նախամարդոց վրայ աստուածային յայտնութեան մը հետեւանքն էր։ Տասանորդը ուրեմն խորապէս մարդկային հիմնարկութիւն մըն էր, որուն վարժուեցաւ ժողովուրդը ամենահին ժամանակներէն սկսած։ Շատեր խորհած են որ ինչո՞ւ համար մէկ տասանորդ կոտորակի ընտրութիւն եղած է և ոչ թէ աւելի պակաս կոտորակի մը, զոր

օրինակ մէկ տասներկրորդի և կամ չառ աւելիի, զոր օրինակ մէկ եօթներորդի։ Առհասարակ յիշուած մտաղըութիւնը այն է որ տասը թիւը կ'ենթաղրէ ամբողջութեան խորհրդաւոր գաղափարը, ինչպէս նաև գաղափարը լրութեան և կատարելութեան։ Եւ որովհետեւ այս լրութիւնը Աստուծոյ մէջ է և Անկէ կը ծնի, ամէն անդամ որ մարդ կը մասնակցի այդ աստուածային լրութեան և կ'ստանայ տասը ստացուածք, այս տասնէն մէկը Աստուծոյ կը յատկացնէ ցոյց տալու համար իր երախտագիտութիւնը, կամ ուրիշ կերպ խօսելով Աստուծոյ կը նուրիէ իր ստացած ու վայելած բարիքներուն մէկ տասանորդը։ Բայց տասը թիւի յատուկ եղով այս խորհրդանշութիւնը մասնաւորապէս հիմոււած է Աստուծոյ սիրելի ժողովուրդը համարւող իսրայէլացւոց պատմութեան մէջ գոյութիւն ունեցող տասանորդի յետնագոյն օրինակներու վրայ, և նոյնիսկ, հակառակ վիրը յիշատակուած օրինակներուն, տառը թիւին մէջ կատարելութեան գաղափարի մը մտասեւեռումը միշտ ալ կամայական երեւոյթ մը պահեց իր մէջ։ Իրականութեան մէջ թէեւ տասանորդը պատմութեան ընթացքին կրօնական նկարագիր մը հագաւ, և թէ տասանորդը տրուեցաւ միայն իշխանին կամ քուրմին, ասոնց այն հանդամանքին համար՝ որ աստուածութեանց ներկայացուցիչներն էին, կամ չաստուածներու ուղղակի ծառաները, որոնց կը պատկանէին գերազանցօրէն հողի բուրքարիքները, տուրքի այս ձեւով բաժանումը կը թուի ունեցած ըլլալ իսկապէս հեթանոսական պատճառ մը։ Եղիպտացւոց չափարերութեան մէջ տասնորդական դրութիւնը բացարձակապէս դործածութեան մէջ էր։ Քաղ-

դէացւոց մէջ, այս գրութիւնը կը զուգաղցրուէր երկոտասնեան գրութեան։ Սեպաձեւ գրութեանց մէջ, թուանշանները խմբուած էին տասնեակներով, ինչպէս մեր ներկայ գրութեան մէջ։ Շատ հաւանական է ուրեմն՝ որ սկզբնական շրջանին տասներորդի կոտորակը պարտաղրուած ըլլար իրը ամէնէն շատ գործնական և դիւրին եղանակը, ա'յն ժողովուրդներուն՝ որոնք որդեգրած էին արդէն տասնորդական գրութիւնը։ Փորձառութիւնը ցոյց տռւաւ արդարեւ՝ որ այս կանիւահանումը տասը բաժինէն մէկուն, ընդհանրապէս կը կազմէր Աստուծոյ համար բաւարար չափով յարդալիր ընծայում մը, առանց սակայն շատ զժուարարենն թուելու զայն մատուցանող մարդուն։

ՏՈՍԱՆՈՐԴԸ ՀՍՏ ՄՈՎՍԻՍԱԴԻՐ ՕՐԻՆԱՅՑ. — ինչ բան որ հողը արտաքերէր, հացահատիկ կամ ծառերէն վար առնուած պտուզ, անոր մէկ տասներորդը կը պատկանէր Աստուծոյ։ Այս տասանորդը պիտի ընծայուէր իր տեսակովը (en nature). այսինքն իւրաքանչիւր տեսակի բերքէն նոյնութեամբ պիտի ընծայուէր։ Բայց երբ մէկը ուզէր տասանորդի բաժինը գնել, այսինքն զայն փոխարինել դրամական արժէքով, պարտաւոր էր այդ արժէքը աւելցունել մէկ հինգերորդով։ Այս յաւելումը կ'առնուէր կամ փոխադրութեան իրը ծախք, որով բերքին տէրը իր պարտքերը կը վճարէր, կամ իրը յաւելագին՝ զոր կը յուսար ստանալ տեսակով ծախուած բերքերէն։ Տասանորդի վճարման կամ ընծայման հաւասարապէս ենթակայ էին բոլոր կենդանիները. եզ, ոչխար, այծ, որոնք կ'իյնային հովուի գաւազանին, այսինքն արածուելու կը տարուէին դաշտերը։ Երբ այս կենդանիները համբելու ատենը գար, հովիւը

իր գաւաղանով ամէն մէկ տասներորդ անասունին կը զարնէր, և ան կը պատկանէր Աստուծոյ, առանց նկատի առնելու թէ կենդանին լաւ տեսակի ըլլար կամ անպէտ: Ու եթէ պատահէր որ տասներորդ թիւը իյնար լաւ անասունի մը, անոր տէրը կը փորձուէր զայն փոխարինելու վար տեսակի անասունով մը: Այս անպարկեշտութիւնը պատժելու համար, Աստուած ետ կը պահանջէր այն ատեն երկու անասուններն ալ, աղէկ տեսակն ալ, գէշ տեսակն ալ, և միեւնոյն ժամանակ կ'արդիլէր վերագնելու իրաւունքէն: Օրէնքի այս վերջին տրամադրութենէն կ'ենթադրուէր որ կենդանիներն ալ կրնային փրկանաւորուիլ գրամով, ա'յն պայմաններով որոնք յատուկ էին արմտիքի կամ պտուղներու, հոգ չէ թէ Օրէնքի մէջ այս մասին դրական ո'չ մէկ տրամադրութիւն գոյութիւն չունենայ (Ղեւտացւոց իի. 30—33):

Իրը տասանորդ առնուած բոլոր բերքերը կը տրամադրուէին Ղեւտացիներուն, որոնց ապրուստին գրեթէ միակ միջոցը կը կազմէր. որովհետեւ Տապանակի սպասարկութեան նուիրուած էին անոնք: Իրենց կարգին Ղեւտացիները իրենց ստացածին մէկ տասներորդ մասը ստիպուած էին վերցունելու, այսինքն տասանորդին տասանորդը և զայն յատկացնել քահանայապետին, և որ իր կարգին կը յատկացնէր այն տեղերու քահանաներուն, որոնք տասանորդ առնելու դիւռութիւն չունէին, կամ առնուած տասանորդը չէր բաւարարեր իրենց ապրուստին, սա տարբերութեամբ միայն որ Ղեւտացիք արտօնուած չէին օգնելու հասարակ իսրայէլացիներու այն առաւելութենէն՝ որով անոնք կրնային Աստուծոյ նուիրել նոյնիսկ գէշ տեսակի ա'յն անասունը

որ կրնար հանդիպիլ, համրանքի պահուն, տաս-
ներորդ թիւին։ Ղեւտացիներուն իբր տասանորդ
ընծայած նուէրները պարտ էին ըլլալ ընտը-
ռւած և սքանչելի (Գիրք Թուոց Ժ. 21—30)։
Խորայէլացւոց միայն արուները, առանց հաշուե-
լու Ղեւիի քահանայական ցեղը, իրենց մէջ կը
համրէին 603, 550 անձ (Թուոց Ա. 52). իսկ Ղեւ-
տացիներու թիւն էր՝ 22.000 (Թուոց Գ. 39)։
Այս վերջինները ուրեմն կը կազմէին Խորայէլի
արու բնակչութեան մէկ յիսուներորդը, և որոնք
կ'ստանային ամբողջական հասոյթներու մէկ տաս-
ներորդը։ Հետեւաբար Ղեւտացիք սկզբունքով
կ'ստանային, նոււազագոյնը, հինգ անդամը
աւելի շատ բաժին մը քան բոլոր միւս Խորա-
յէլացիները։ Երբայցիներու նման ժողովուրդի
մը համար ուրեմն այս օրէնքին մէջ կար զգա-
լի իմաստ մը պատուի՝ զոր Տէրը կ'ուզէր ո՛ռ
ընծայուէր իր պաշտօնեաներուն։ Ցասանորդի
իրաւանց մասին Պօղոս առաքեալ կը գըէ. — «Եւ
Ղեւիի որդիներէն եղողները որ քահանայութիւն
կ'առնեն, պատուէր ունին որ ժողովուրդէն տա-
սանորդ առնեն, այսինքն իրենց եղբայրներէն»
(Երբայցիս է. 5)։ Այս պարբերութիւնը չի հա-
կասեր օրէնքի բնագրին, որուն համաձայն Ղե-
տացիք տասանորդին գումարը կը հաւաքէին։
Ասոնցմէ ոմանք որ քահանայութիւն առած էին,
տասանորդը կը հաւաքէին հասարակ Ղեւտացի-
ներու ձեռքով։ Հաւանական է նաև որ Պօղոս
Առաքեալ իր այս գատաստանը ըրած ըլլայ
Ղեւտական ամբողջ ցեղին համար, որ մէկ կող-
մէ տասանորդը կը հաւաքէր և միւս կողմէ քա-
հանայութիւնը կ'առնէր քանի մը անդամներով
միայն։

Օրէնքը կը խօսի նաև ա՛յն տասանորդնե-

ըռւ մասին՝ զորս ընծայել պէտք էր Աստուծոյ ցոյց տուած տեղւոյն մէջ և ուտել միայն Անոր Ներկայութեանը (Բ. Օրինաց ԺԲ. 5—7): Այդ տեղւոյն մէջ էր որ իսրայէլացիք պարտէին խնջոյքներ պատրաստել, իրեց զաւակներուն, իրենց ծառաներուն և իրենց քաղաքի Ղեւտացին հետ, ու նման խնջոյքներ արտօնուած չէին այլ քաղաքներու մէջ տօնակերպել (Բ. Օրինաց ԺԲ. 11. 12. 17. 18): Եթէ իրենց բնակած քաղաքը շատ հեռու էր Աստուծոյ կողմէ ցոյց ալլրուած վայրէն, և եթէ ցորենի, գինիի, ձիթափւղի տասանորդներու փոխազդութիւնը չափազանց գժուարէր. կրնային բոլոր այս բերքերը ծախել և արժէքը տանիլ Տիրոջ կողմէ ցոյց տրուած վայրը, և հոն գնել ամէն տեսակ ուտեստեղէն, հրամայուած խնջոյքները կազմակերպելու համար (Բ. Օրինաց ԺԲ. 22—27):

Վերջապէս, ամէն երեք տարին անգամ մը, անկախ եօթներորդ շաբաթեան տարիէն՝ որու ընթացքին տասանորդները չէին կրնար ընծայուիլ, որովհետեւ բերք չէր ըլլար, ամէն իսրայէլացի պարտաւոր էր մէկ կողմ դնել տասանորդ մը, զոր տանը մէջ պիտի պահէր, և որով պիտի կերակրուէին Ղեւտացին, օտարականը, որըն ու այրին (Բ. Օրինաց ԺԲ. 28—29: ԻԶ. 12): Այն պահուն երբ այս խնջոյքները կը սարքուէին աղքատներու հետ միասին, Աստուծոյ կուղղէին աղօթք մը, հանդիսաւորապէս յայտարարելու համար՝ թէ բան մը բնաւ պահած չէին սահմանուած տասանորդէն և աստուածային օրհնութիւնը կը խնդրէին իսրայէլի ժողովուրդին (Բ. Օրինաց ԻԶ. 13—15):

ՏԱԱԱՆՈՐԴԻ ՕՐԻՆՔԻՆ ՄԵԿՆՈՒԹԻՒՆՆ ՈՒ
ԿԻՐԱՐԿՈՒՄԸ.— Հրէական աւանդութեան մէջ

տասանորդի գլխաւոր չորս տեսակներ գոյութիւն ունէին. առաջին տեսակի տասանորդը կը վճարուէր Ղեւտացիներուն։ Ասիկա տասանորդներու տասանորդը կը կազմէր, զորս Ղեւտացիք կը վճարէին քահանաներուն։ Երկրորդ գասի տասանորդը կը կազմէր ա՛յն յաւելուածը որ կը մնար Խորայէլացիներուն ձեռքը՝ առաջին տեսակի տասանորդը վճարելէն յիսոյ. այս տասանորդն էր որ ամբողջութեամբ կը տրամադրուէր երուսաղէմի մէջ հանդիսագրուած խնջոյքներուն։ Կար նաև ամէն երեք տարիին անդամ մը աղքատներուն համար տրամադրուած տասանորդը ի նշան ա՛յն հաւատարմութեան, որ ցոյց կը տրուէր Ղեւիի զաւակներուն։ Այս երրորդ գասակարգի տասանորդին արդիւնքը կանոնաւորաբար կը զրկուէր երուսաղէմ։ Վերջապէս կար չորրորդ տեսակի տասանորդն ալ՝ որմէ ամբողջովին կ'օգտուէին երկրին բոլոր աղքատները։

Նկատելի է որ առաջին տեսակի տասանորդին ո՛չ միայն Խորայէլի երկիրը կը մասնակցէր, այլեւ զրացի չորս ցեղերն ալ՝ Բաբելոնը, Եգիպտոսը, Ամմանն ու Մովաբը, Թէ՛ մայր հայրենիքն և թէ զրացի չորս երկիրներէն դուրս ապրող Հրեայք զերծ էին տասանորդի անուան տակ գանձուած այս տուրքէն։ Այս տասանորդը կը դրուէր չորքոտանի այն անասուններուն վրայ, որոնք կրնային իրը զոհ մատուցուիլ և զորս Խորայէլացիք կը գործածէին անասնաբուծութեան մէջ. այսպէս եղը, այծը և մաքին։ Այս տուրքին ենթակայ էին նոյնպէս հողային բերքեր, ինչպէս ցորենը, գինին և ձիթաիւղը (Բ. Օրինաց Ժ. 23), Ընտիր ցորենը կը տասանորդուէր իր բնական վիճակին մէջ. իսկ խաղողն ու ձիթապտուղը կ'առնուէր ա՛յն վիճակին մէջ՝ զոր

մարդկային աշխատանքը վերածած էր, ինչպէս
 նաև այնպիսի վիճակի մը մէջ՝ որով կընային այս
 վերջինները փոխաղբութիւն և պահութիւն դիւրու-
 թեամբ։ Ասոնցմէ դուրս գտնուած և օրէնքի
 մէջ չնշանակուած բերքերը կընային նոյնպէս
 տասանորդի տուրքին ենթարկութիւն, Տիրոջ բաղ-
 ձանքին համաձայն, պայմանաւ որ ռակայն այս
 տեսակի բերքերը ընդհանրապէս ուտուելիք և
 պահուելիք տեսակէ ըլլային։ Յետնագոյն ժա-
 մանակներու մէջ ձեւապաշտ ուարբինները սահ-
 մանեցին նաև տասանորդ մը՝ կանանչեղէններու
 և փոքր բոյսերու վրայ, որոնք իբր համեմ կը
 գործածուէին զանազան կերակրոց մէջ, այսպէս
 անանուիը, անիսօնը, չամանը եւայլն (Մատթ.
 իդ. 23: Ղուկաս ԺԱ. 42. ԺԲ. 12): Նորագոյն
 ժամանակներու վարդապետներ սակայն համա-
 ձայն եղան ա'յն իրողութեան վրայ՝ որ կանան-
 չեղէններու և համեմարեր խոտերու վրայ դըր-
 ուած այս տասանորդը ուարբիններու յատուկ կի-
 րարկում մըն էր միայն և թէ Մովսիսական օրէն-
 քի համաձայն տասանորդ կ'առնուէր ընտիր ցո-
 րենէն, զինիէն ու ծիթափուղէն։ Անասնոց վրայ
 զբուած տասանորդը կը գործաղբուէր Օգոստոս-
 ոէն Սեպտեմբեր ամիսներուն մէջ, որ կը համա-
 պատասխանէր Հրէից իլուլ ամսուան, և ասի-
 կա ա'յն անասուններուն համար՝ որոնք նախըն-
 թաց տարւոյ նոյն ամիսներուն մէջ ծնած էին։
 Սապպար 15-ին, որ էր Յունուար՝ Փետրուար
 ամիսը, տասանորդ ժողվելու միեւնոյն գործո-
 ղութիւնը կ'սկսէր հողային բերքերու համար։
 Արջառներու հօտը տասանորդելու համար ամէն
 մէկ անասուն կ'անցուէր փոքրիկ դռնէ մը և
 փարախի մուտքին կամ ելքին վրայ ամէն
 տասաներորդ անասուն կը նշանակուէր (Երևմիա

լդ. 13): թէ և կարդ մը ուաբբիներ կը պնդեն թէ
համբուած իւրաքանչիւր տասներորդ ոչխարի
վրայ կարմիր նշան մը կը զբուէր, բայց այս
պարագան Սուրբ Գրական ունէ հիմք չունի:
Տասանորդը կը յատկացուէր Ղեւտացիներուն,
որոնք իրենց և իրենց ընտանիքի սննդեան կը
տրամադրէին: Հոս դիտելի պարագայ մըն է ոք
Ս. Գրոց մէջ ունէ տեղ յիշատակուած չէ թէ ո՞ւր
էր յանձնումի վայրը: Արդեօք այդ յանձնումը կը
կատարուէր Ղեւտական քաղաքներո՞ւ մէջ
միայն: Այս ենթադրութիւնը կը հիմնուի այն
իրողութեան վրայ՝ որ փոխան տասանորդի կա-
րելի էր զրամ ևս վճարել: Տասանորդը Հրէից
մէջ նոււազ յարդի էր՝ քան երախայրիքը և երա-
խայրիներն ալ նոււազ յարդի էին ու պաշտուած՝
քան զսհերը: Կը պատահէր նաև որ տասանորդը
մասնաւորներէ միայն կանոնաւոր կերպով գան-
ձուած ըլլար. շատ անգամ տասանորդի տեղ
բերքին արժէքն էր որ կը ծախուէր ու կը վճար-
ուէր: Ահա թէ ինչո՞ւ համար խստակրօնները ու-
շադրութիւն կ'ընծայէին, որ տասանորդ առնուէր
գնուելիք բերքերու վրայէն՝ քան թէ ծախուե-
լիքներէն: Աստուածաշունչ Գրոց մէջ կը հանդի-
պինք տասանորդի յատուէկ բազմաթիւ յիշատա-
կութեանց, որոնք ցոյց կու տան թէ ինչպէս
կը կիբարկուէր ան:

ՏԱՍԱՆՈՐԴՆԵՐՈՒ ՏԱՍԱՆՈՐԴԸ.— Ս. Ներո-
նիմոս կ'ըսէ թէ այս տասանորդը կը կոչուէր
Շերկրորդ տասանորդ՝ զանազանելու համար ա'յն
միւս տասանորդէն որ կը յատկացուէր Երուսա-
ղէմի մէջ կազմակերպուած ինչոյքներուն, Ղեւ-
տացիներու և քահանաներու մասնակցութեամբ,
ինչպէս նաև զանազանելու աղքատաց յատկաց-
ուած տասանորդէն: Բայց երեայ ուաբբիները

այս երկրորդ տասանորդը կը վերագրէին անոր՝
 որ Երուսաղէմ կը տարուէր, հո՞ն ուտուելու հա-
 մար, և արդարեւ Տովրիթի յունարէն բնագիրը
 իմացուած ըլլալ կը թուի միեւնոյն նշանակու-
 թեամբ։ Այս տասանորդը առ հասարակ Ղեւ-
 տացիներէն կ'առնուէր քահանաներուն տրուելու
 համար, և սակայն կը պատահէր որ ան աւելնար
 առաջին տեսակի տասանորդին վրայ, ուղղակի
 կերպով քահանաներուն յատկացուելու համար։
 Տեսակով վերցուած տասանորդի բերքերուն
 համար մասնաւոր մթերանոցներ զետեղուած
 էին Տաճարին մէջ և Եղեկիս յայտնի է որ կարդ
 մը աշխատութիւններու ձեռնարկեց, շինելու
 համար նորոգութեան կարօտ մթերանոցները և
 կամ նորեր կառուցանելու համար։ Այս տեսակի
 մթերանոցներ նոր Տաճարի մէջ ալ չինուեցան և
 որոնց պահպանութեան համար մասնաւոր պաշ-
 տօնեաներ և կարգուեցան։ Պատմագիրներու
 համաձայն 1500 քահանաներ կային Երուսաղէմի
 մէջ, որոնք կ'ապրէին առնուած ու Տաճարին
 մէջ պահուած տասանորդներով։ Մինչեւ իսկ կը
 պատմուի որ Եղան քահանայապետներ խմայէ-
 լի և Անանոսի պէս, որոնք չվախցան քահանա-
 ներուն յատուկ տասանորդներուն վրայ ձեռք
 դնելէ՝ զանոնք անօթի մեռցնելու աստիճան։
 Ընդհանրապէս բնական վիճակի մէջ էր որ իբր
 տասանորդ առնուած այս բերքերը Երուսաղէմ
 կը զրկուէին խնջոյքներու մէջ գործածուելու
 համար, և որոնց կը հրաւիրուէին քահանա-
 ներն ու Ղեւտացիները։ Պայման էր սակայն
 որ նման խնջոյքներու ներկայ ըլլային միայն
 սուգի մէջ ինչպէս նաև օրինական անմաք-
 րութեան մէջ չդատնուողներ (Բ. Օրինաց իջ. 14),
 Եթե Տովրիթ Պաղեստին էր չէր թերանար երբեք

այս տուրքը վճարելու, կանոնադրուած պայմաններու մէջ.— «Եւ ևս միայն երբայի բազում անգամ յերուսաղէմ ի տօնս տարեկանաց, որպէս Եւ գրեալ և ամենայն իսրայէլի հրամանաւ յարիշենից զպուղս Եւ զտասանորդս զարդեանց Եւ զպատարացն զոր ունեին, Եւ տայի զայն ժամանայիցն որդուցն Ահարոնի առաջի սեղանոյն յամենայն արդեանցն» Եւ զտասանորդսն տայի զորդուցն Դեւեայ, որի պաշտօնեային էին յերուսաղէմ...» (Տովրիթ Ա. 6): Երբ այս տասանորդը տեսակով ներկայացուած չըլլար, անոր արժէքը կը յատկացուէր միայն անդեան, ըմպելեաց և օծութեան յատուկ ամէնէն անհրաժեշտ նիւթերը կնելու համար: Ընդհանրապէս տասանորդի այս բերքերուն վրայ կ'աւելցուէին նաեւ ծառերու չորրորդ տարուան պտուղները միայն: Վերը ակնարկուած խնջոյքները, որոնց հրաւիրուած կ'ըլլային քահանաներն ու Ղեւտացիները, ինչպէս նաեւ աւելորդ է լսել տասանորդը վճարող մարդուն ընտանեկան բոլոր պարագաները, նպատակ ունէին, անտարակոյս, ոգեւորելու համեղբայրութեան զգացումները իսրայէլացի և կամ ուրիշ ցեղերու և Ղեւտացիներու միջեւ: Այս պայմաններուն մէջ առաջին տասանորդը կը մերժուէր գանձել անծանօթներէն և ընդհակառակը կը գանձուէր ամէն այն Հրեաներէն, որոնց նկարագիրն ու գործը յայտնի էր ամէնուն և անձն ալ յարգուած:

ԱՂՔԱՑԱՅ ՑԱՏՈՒԻԿ ՏԱՍԱՆՈՐԴԸ:— Այս տասանորդը առանց բացառութեան կը գանձուէր ամէն մէկ Հրեայէ, նոյնիսկ Ղեւտացիներէն և քահանաներէն, իւրաքանչիւրին ապրած ու շահած քաղաքէն: Այս տուրքը կը վճարուէր ամէն երեք տարին անգամ մը. երբորդն ու վեցերորդ

տարին կը հաշուռուէր Յոբելեան տարիէն վերջը։ և ճիշդ ասոր համար էր որ իւրաքանչիւր այս տարիները կը կրէին տասանորդի տարիւ անունը (Բ. Օրինաց իջ. 12): Օրէնքը լուռ կը մնայ թէ այս նոր տասանորդը նախորդին վրայ կ'աւելցուէ՞ր թէ ոչ, թէ պարզապէս երկուքին միջեւ շփոթ բան մըն էր, այնքան որ աղքատաց համար գանձուած տասանորդը մասնաւոր յատկացում մը եղաւ միայն երկորդ տեսակի վրայ պարտադրուած։ Շատերու կարծիքով աղքատաց յատուկ տասանորդը ու այս տասանորդը կ'աւելցուէր յաջորդ երկու տեսակի տասանորդներու վրայ։ Եթէ ոչ, բոլոր այս օրինական տուրքերը ամէն երեք տարին անգամ մը հասած պիտի ըլլային եկամուտներու երեք տասներորդին, ինչ որ չափազանց պիտի ըլլար, մասնաւորաբա՞ր վեցերորդ տարուան համար՝ որուն պիտի յաջորդէր Յոբելեան տարին և որու միջոցին սակայն ո՛չ մէկ իսրայէլացի իրաւունք ունէր իր դաշտերէն ունէ բերք առնելու։ Աղքատաց յատուկ այս տասանորդին կը մասնակցէին նաև Ղեւտացիները, ո՛չ միայն երուսաղէմի մէջ գտնուողները, այլ ամէնուրեք՝ ուր որոշեալ տարուան մէջ կը կազմակերպէին իրենց օրինաւոր խնջոյքները։ Իսրայէլացիք երբէք ալ գանգատ չէին յայտներ օրինական այս տուրքերուն դէմ, որովհետեւ Տէրը իր պարբերական օրհնութիւնները կը խոստանար բոլոր անոնց, որոնք հաւատարմարար այս տուրքերը կը վճարէին (Բ. Օրինաց ժԴ. 29. իլ. 11, 12): Միւս կողմէ հրեայ ուարբիները մահուան արժանի կը համարէին ա՛ն որ տասանորդէն գողցուած սննդելէն կ'ուտէր։ Այն ճաշի ընթացքին որ կը վերջանար աղքատաց յատուկ տասանորդը գանձելու, իս-

բայէլացին կը հաստատէր Աստուծոյ առջե՝ թէ
կատարա՞ծ է իր պարտականութիւնը ու կ'ըսէր.
—«Անտեսնը ու Տէր Ասուծոյդ սովոր ըսևս, սուրբ
հղած բանը բոլորովին տունիս հանեցի, եւ ու բոլոր
հրամայած պատուիրանիներուն համեմատ՝ զանիկա
Ղեւացիին, օստականին, որդին ու որբեւայրիին
տուի. ու պատուիրանիներդ զանց չըրի ու զանոնց
յմոցայ....» (Բ. Օրինաց իշ. 13):

Ա Ե Բ Զ



ԾԱՆՈԹ. — Ներկայ ուսումնասիրութիւնը գրե-
լու առքի այժի առջեւ ունեցայ Dictionnaire de
la Bible. F. Vigouroux ի, որմէ լայնօրկն, գրե-
րք բարգմանարար օգտուեցայ:

ՆԻՒԹԵՐՈՒ ՑԱՆԿԸ

Եջ

1.— Նախամուտ	5
2.— Հողագործութեան սկզբնական շրջանը Պաղեստինի մէջ	11
3.— Հողագործութիւնը Նահապետներու ժամանակ	14
4.— Մոլոկուի կողմէ դրուած հողային օրէնք-	
ներ և իրենց կրօնական կարեւորութիւնը	18
5.— Երկրագործական բերքեր	26
6.— Մշակման եղանակը	31
7.— Երկրագործութեան պատուհասները	38
8.— Հողագործութիւնը Հին և Նոր կտակարանաց մէջ	41
9.— ԵՐԱԽԱՑՐԻՔ	43
10.— ՏԱՍԱՆՈՐԴ	57



ՀԵՂԻՆԱԿԻՆ ԵՐԿԵՐԸ

- 1.— ԷՐԹՈՂՐՈՒԻԼ. Տպ. կ. Պոլիս. 1915 (սպառած):
 - 2—7.— ՏԱԹԵՒԻ. Տարեգիրք (1925—1930). Տպ.
կ. Պոլիս և Հալէպ:
 - 8.— ՆԿԱՐԱԳԻՐ ՕՇԽՆ ԹԱԴԱՀՈՐԻ ԶԵՌԱԳԻՐ ԺԱ-
ՄԱԳԻՐՔԻՆ (1319).— Տպ. Անթիլիաս. 1933
(սպառած):
 - 9.— LA VIE ET LA CULTURE ARMÉ-
NIENNES A ALEP AU 17^e SIÈCLE.
Paris, 1934 (սպառած):
 - 10.— ՊԱՏՄՈՒԹԻՒՆ ՀԱԼԵՊԻ ԱԶԴ. ԳԵՐԵԶՄԱՆԱ-
ՏԱՅՑ ԵՒ ԱՐՁԱՆԱԳԻՐ ՀԱՅԵՐԵՆ ՏԱՊԱՆԱ-
ԳԱՐԵՐՈՒ. Տպ. Հալէպ. 1935:
 - 11.— ՄԱՅՐ ՑՈՒՑԱԿ ՀԱՅԵՐԵՆ ԶԵՌԱԳՐԱՅ Ս. ՔԱ-
ՐԱՄՈՒՆ ՄԱՆԿԱՆՑ ԵԿԵՂԵՑԻՈՅ ՀԱԼԵՊԻ.—
Տպ. Երուսաղէմ. 1935: Ա. հատոր:
 - 12.— ՄԱՅՐ ՑՈՒՑԱԿ ՀԱՅԵՐԵՆ ԶԵՌԱԳՐԱՅ ՀԱԼԵՊԻ
ԵՒ ԱՆԹԻԼԻԱՍԻ. — Տպ. Հալէպ. 1936: Բ.
հատոր:
 - 13.— ՀՈՂԱԳՈՐԾՈՒԹԻՒՆԸ ՀԻՆ ԵԹՐԱՑԵՑԻՈՅ Մէջ.
Տպ. Հալէպ. 1937:
-

ԳԱԱ Հիմնարար Գիտ. Գրադ.



FL0035696

~~Smith~~
504.

